

**Bádha Ngali
gba Yesu Kilisito maka li
Djaa
aye lie ko
Eli na kalanu**

Bádha Ngali gba Yesu Kilisito maka li Djaa aye lie ngasuno Yesu maka Eli na duduṃa gba Ebhe. Eli akolo maka kpála-kuti atsia adu bhú ká ní (1:14). Maka li bhuku ngae makpe ngapapa lie, Bádha Ngali inde aye nani li e ngubula me okpála inde ngatatanga bhuka me Yesu ne Mụkobho inde li Ebhe abhu nani e, inde di Ndili gba Ebhe, ngubula me ka nabhuka bhú ani-e, u sia mụkobho na duduṃa (20:31).

U aye engú gba eḷe na zabhe sūnda oehe bhisi me anga bhú obhuku na didili koko-o, u ye engú ang-o de, okoko atsia aye li obili koko (8:1-11).

Djaa ngagama 'ngú naali pindji mụkobho na duduṃa inde li Ebhe aha e padhá bhú Yesu. A ngakpo lita e naki inde i tsia gó pi obhende ngaziba Yesu maka kpadji, maka kukulú 'ngú, la di maka mụkobho. Engú na ngbéngbé inde bhú Bádha Ngali gba Djaa, a ko ngubula nasuno engú inde bhú mụkobho gba kpála ngubula ekpí bini ne bini, ngubula nasuno lele kukulú 'ngú na Bu Bhobua : maka engu, maka mapa, maka zi 'kpí, maka mulila gba okandele ne okandele gba e, la di maka vino ne lí e.

Ongbengbe onǵú inde bhú bhuku inde-e ngae inde:

Eli na kalanu 1:1-18

Djaa bhulu nabatisa okpála, ne omukpata gba

Yesu na kalanu 1:19-51

Kulu gba Yesu bhú ká okpála 2:1 - 12:50

Oekpí nasoso gba Yesu abhú Yelusalema 13:1 - 19:42

Nazuku gba Yesu, ne nakoto ka Ngámá li okpála 20:1-31

Eli nasoso: ani akoto matá li okpála abhú Galilaya 21:1-25

Eli inde zi 'kpí di ne mukobho

¹ Nayie li lilita-a, Eli* adu nani uu.

Eli ango-o adu nani bhú dabili bini ne Ebhe.

La di-e, Eli ango-o a adu Ebhe.

² Nayie li lilita-a, Eli ango-o adu nani bhú dabili bini ne Ebhe.

³ Ebhe atsia abho ndu 'he hana ne Eli ango-o.

Ehe bini inde amene lie mandí ani ade.

⁴ Mukobho akoto bhú Eli ango-o.

Mukobho ango-o atsia adu zi 'kpí pi okpála.

⁵ Zi 'kpí ngaziga bili bhú biti.

Engú la bini, biti ha angu zi 'kpí ango-o de.

⁶ Ebhe atima kpála bini. A adu 'li kpála ango-o me Djaa . ⁷ Ani ago maka kpála nakpokpo 'ngú.

Ani atsia akpokpo 'ngú mbámábá pindji zi 'kpí-o, amba ndu okpála hana bhuka ka ani.† ⁸ Ngaani makpe-e, ani du nani zi 'kpí de. Engú bini, ani

* **1:1** 1:1 Eli: Eli-e, a ko Yesu (tsia lukuluku 14). † **1:7** 1:7 Okpála bhuka zi 'kpí ka ani: Ani inde-e, a ko Djaa bhulu nabatisa okpála-o.

ago nani ngú nakpokpo 'ngú pindji zi 'kpí-o. ⁹ Zi 'kpí ango-o, a ko nani zi 'kpí na kùkùlù. A ago pílà doto, a ngaziga ndù okpála hana.

¹⁰ Eli-e adù nani pílà doto. Ebhe atsia abho ndù 'he hana ne di. La-a, okpála na pílà doto tsia mbíla ani de. ¹¹ Eli-e ago nani bhú ká omaha e. Engú bini, omaha ani tsia sia ani de. ¹² La-a, okpála koko asia ani, u atsia abhuka di ani. Abhomù-o, ani atsia aha angu pì uo me u kolo ongisi gba Ebhe. ¹³ U kolo ongisi gba Ebhe li kpadji bhende maka u azuzu okpála na doto lie de. A ko la di ka gumù gba bhoko bini de. Engú bini, ayie ka Ebhe.

¹⁴ Eli-e adjì lie, atsia akolo kpála. Anì adù nani bhú ká ní. Ní au sangu gba ani, sangu inde ani asia e ka 'Dyi e-o. A ko sangu gba koli Ndìli bini, inde abedhe ne bádha bua di ne ngbili 'ngú . ¹⁵ Djaa‡ akpokpo 'ngú pindji ani mbámbá. Anì atsia asula me: «Engú nani ma apa e me: <Kpála inde ngago píta ma-a, ani ane ma mane. Padhá de, anga nani me ma nde nga ade-e, ani adù bha naae uu.> Ma apa nani engú ango-o pindji ani.» ¹⁶ Abhomù-o, bhú bádha bua gba ani inde bedhe-e, ndù ní hana ní atsia asia bádha bua pí bádha bua koko. ¹⁷ Padhá de, anga ní asia líli sa 'kpa Moidje . La-a, bádha bua di ne ngbili 'ngú-o, ní asia ka Yesu Kilisito . ¹⁸ Kpála bini u Ebhe belegu de bini. La-a, koli Ndìli bini inde di Ebhe, inde ngadù de 'Dyi e-e, asuno ani pì ní ngae.

‡ **1:15** 1:15 Djaa: A ko Djaa bhende Bhùlù nabatisa okpála-o.

28 Engú bhomu-o akodho 'kpí bhú kúti na Betania, ayi 'ngu na Djuludani li bili inde li Djaa adu abatisa okpála li e-o.

Yesu ne Ndili Kandøle gba Ebhe

29 Li ekpí aseke lie, Djaa au Yesu me ani nde ngago li pápá inde ani adu li e-o. Ani atsia apa me: «Yi tsia nga Ndili Kandøle gba Ebhe-o. Ani nga'e siti 'ngú pála doto ngae. 30 Engú inde ma akpokpo e, ma akpokpo pindji ani, engú inde me: <Kpála bini ngago pita ma. La-a, ani ane ma mane. Padhá de, anga ani adu nani muma kalanu.> 31 Ma du ambila ani de. Engú bini, ma ago nabatisa okpála ne engu, ngubula me Ebhe suno ani pi omafsalaele.» 32 Djaa akpokpo matá engú gba ani-e me: «Ma au BuaŞ gba Ebhe-e ngayie ne abhúlá, maka bøbhe, atsia adu pí ani. 33 Ma du ambila ani de. Engú bini, Ebhe inde atima ma ngú nabatisa okpála ne engu-o, apa muma me: <Mo ou Bua gba Ebhe-e ngakø, i tsia dú pí kpála bini. A bhomu-o kpála inde abátisa okpála ne Bu Bhobua ko.> 34 Ngama-a, ma au, ma atsia akpokpo la di 'ngú mbámhá me kpála inde-e, a ko Ndili gba Ebhe!»

Yesu a'i omukpata na gigina

35 Li ekpí aseke lie, Djaa adu ago matá oo bhú dabili bini ne omukpata gba e bhisi. 36 Nedhinga ani au Yesu lie ngakodho 'kpí-e, ani atsia apa me: «Yi tsia nga Ndili Kandøle gba Ebhe-o.» 37 Li omukpata gba ani bhisi-e adje ani lie ngapa 'ngú

Ş 1:32 1:32 Bua: I du me u nde aye ne 'dhu balua na ngbéngbé-e (madjisikile), amba a ko Bu Bhobua.

bhomu-o, u atsia akpata Yesu. ³⁸ Yesu adji lie. Ani au me u adu akpata ni, ani atsia ayi uo me: «Yi ngagili ni?» U agie pi ani me: «Labi, mu ngadu su?» (Labi akunda napa me Musuno.) ³⁹ Yesu agie pi uo me: «Yi gogo amba yi u.» (A adu nani masakpe de saa na badha pita tulukpe.) U anu, u atsia au bili inde ani adu nadu li e ko. Li 'kpi' ango-o, u atsia adulu ne uo bhú dabili bini.

⁴⁰ Andili, ndai Simo Piele, nani ne saka omakpata bhisi inde adje engú li Djaa apa e-e, atsia akpata Yesu-o. ⁴¹ Andili abhaka ngaiza kalanu hana-a ndai e makpe Simo. Ani atsia apa pi ani me: «Ya au Masiya au.» (A akunda napa me Kilisito.) ⁴² Ani anu ne Simo agba Yesu. Yesu atsia ani, ani atsia apa me: «Ngamu-o, mu ne Simo, ndili gba Djaa . U adu a'i mu me Sefasi.» ('Ili ango-o akunda napa me Piele.)

Yesu a'i Filipino

⁴³ Li ekpi aseke lie, Yesu akunda nanu bhú ndu doto na Galilaya. Ani abhaka Filipino, ani atsia apa pi ani me: «Kpata ma.» ⁴⁴ (Filipo nani ne kpala na gudhu na Betesaida, gudhu inde li Andili ngauo ne Piele ayie bhú e-o.) ⁴⁵ Pipitaa, Filipo abhaka Natanaele. Ani apa pi ani me: «Ya au kpala inde li Moidje aye nani engú gba e bhú bhuku na lili-o, li opolofeta akpokpo di nani engú gba e-o. A ko Yesu, ndili gba Djodjefu , kpala na gudhu na Nadjaleta.» ⁴⁶ Natanaele ayi ani me: «Ehe na ndjindji ti da nayie bhú kuti na Nadjaleta uu?» Filipo agie pi ani me: «Gogo, amba mu u.»

⁴⁷ Li Yesu au Natanaele lie ngago li pápá gba e, ani atsia apa li 'ngú gba ani-e me: «Yi tsia nga kukulú mafsalaele inde. Pulú 'ngú bhú ani belegu ade bini.» ⁴⁸ Natanaele ayi ani me: «Mo ombila ma lele pi?» Yesu agie pi ani me: «Ma au mu nedhinga mo odu lie sa ndula na figi , kala me Filipino 'i mu-o.» ⁴⁹ Abhomu-o, Natanaele atsia apa pi ani me: «Labi, ngamu-o, mu ne Ndili gba Ebhe! Mu ne 'ngbé Ngámá gba omafsalaele!» ⁵⁰ Yesu apa pi ani me: «Mo obhuka, anga ma apa pi mu me ma au mu sa ndula na figi? Mo ou ongu na ngbengbengbe ane bhobhomu-o mane!» ⁵¹ Yesu atsia apa mata me: «Ma apa pi yi na paká me yi au kokpi me a nde abhulu lie, oandjelu gba Ebhe-e nde nga'u, u nde di ngakø pi 'ndji ma, Ndili gba kpála!»

2

Anokomia na kva bhú kuti na Kana

¹ Abhomu-o, pita 'kpi bhisi-e, anokomia na kva adu bhú Kana, kuti bini na ndu doto na Galilaya. 'Hi Yesu adu oo. ² U atsia a'i di Yesu ne omukpata gba e bhú anokomia ango-o. ³ Li vino andjia lie, 'hi Yesu atsia apa pi ani me: «Vino mata ka uo ade.» ⁴ Engu bini, Yesu agie pi ani me: «'Hi ma, a ka ni ne mu ne ni? Nedhinga gba ma-a kolo nga de.» ⁵ Abhomu-o, 'hi ani atsia apa pi okpala na kulu-o me: «Yi mene ndu 'ngu hana inde ani apa e pi yi ko.»

⁶ Ngbengbe madakpa inde u abho e li teme-e, adu oo madhia. OmaYuda vuvulu lio bhúbhú ngubula nakolo bubu kala Ebhe. Omadakpa

ango-o bini ne bini ti da naha litele kámá bini. ⁷ Yesu apa pi okpála na kulu-o me: «Yi bebedhe omadakpa bhomu-o ne engu.» Okpála na kulu-o abebedhe omadakpa ne engu bedhe bedhe. ⁸ Abhomu-o, Yesu atsia apa pi uo me: «Mbia inde-e, yi sese, amba yi nu ha pi ngámá na anokomia-o.» U amene bhadi moko. ⁹ Li ngámá na anokomia ale engu-o lie, ani au me akolo vino. Ani du ambila bili inde ayie li e de. (La-a, okpála na kulu inde asene engu-o, adu ambimbila ngao.) Abhomu-o, ani a'i 'ko e-o. ¹⁰ Ani apa pi ani me: «Ndu okpála hana haha ngaiza kalanu vino na babadha. I du la me u nde andji vino bhelé andji-e, u tsia há bhende babadha ade ko. La-a, ngamu-o, mo owo vino bhende na babadha-a akolo li nedhinga inde!»

¹¹ Abhomu-o gina ongu na ngangamba* inde li Yesu amene e-o. Ani amene bhú Kana, kuti bini na ndu doto na Galilaya. Ani asuno sangu gba e-o, omakpata gba ani-e atsia abhuka ani. ¹² Pipita-a, ani anu bhú gudhu na Kapalanauma bhú dabili bini ne 'hi e, ne ondaise e, di ne omakpata gba e-o. U mene la oo ekpi bhelé de.

Yesu atsambala okpála natsindji 'he bhú 'ngbé 'ti Ebhe gba omaYuda

(Tsia bhú Mat. 21:12-13; ne bhú Mlk. 11:15-17; di ne bhú Luk. 19:45-46.)

* **2:11** 2:11 Ongú na ngangamba: Bhú Bádha Ngali gba Yesu Kilisito maka li Djaa aye lie, mo obháka ongamba 'ngú mananika inde asuno okulu gba Yesu-o. Bhú obhuku koko u aye me «Okulu», bhú okoko u aye me «Ehe inde ngasuno ehe koko, i du di-e engú koko» (sinye). Tsia bhú Dja. 4:43-54, 5:1-16, 6:1-21.

13 Anokomia na Pasika gba omaYuda akolo masikpe. Abhomu-o, Yesu atsia anu bhú gudhu na Yelusalema. 14 Oo, ani ali bhú 'ngbé 'ti Ebhe gba omaYuda-o. Ani abhaka me okpála ngatsindji obagala, ne okandelø, di ne obøbhø. Ani atsia abhaka di me okpála nayipa falanga nde adulu.† 15 Abhomu-o, Yesu amene fimbo li kute ekpu. Ani apandja ndu uo hana bhú 'ngbé 'ti Ebhe gba omaYuda-a kilidjo, bhú dabili bini ne okandelø, di ne obagala gba o-o. Ani agu 'i dabili gba okpála nayipa falanga kuto. Ani atsia abala di falanga gba uo-o. 16 Ani atsia apa pi okpála inde adu natsindji obøbhø-o me: «Yi 'e ehe inde-e si ma'e! Yi adjí eti gba 'Dyi ma-a eti natsindji 'he de!» 17 Omakpata gba ani-e atsia abhundja engú inde u aye e bhú Bhuku gba Ebhe-e me: «Mukunda inde ma nde ne e ngabula eti gba mu-o, atsúlu ma maka djua!†»

18 Abhomu-o, omaYuda ayi ani me: «Mo oméne pi ya mangua ngamba 'ngú dho inde asúno me, mu ne angu namene mo-o?» 19 Yesu agie pi uo me: «Yi bhølø 'ngbé 'ti Ebhe gba omaYuda inde, sunda 'kpí bata-a, ma tsia yíki matá.» 20 OmaYuda ayi ani me: «A ayo nani kalanga ndjikpa badha ne ká madhia, ngú nayiki 'ngbé 'ti Ebhe gba omaYuda inde! La ngamu-o, mu tsia yíki sunda 'kpí bata?»

21 Engú bini, 'ngbé 'ti Ebhe inde li Yesu adu

† 2:14 2:14 OmaYuda inde adu ayie bhú okati koko adu ngaiza nayipa falanga gba o-o. Pipita-a, u tsia ti la da nakala enu ngú nahaha pi Ebhe di ne nadi epo na 'ngbé 'ti Ebhe gba omaYuda-o.

† 2:17 2:17 Tsia bhú Ets. 69:10.

apa 'ngú e, adu kute ani. ²² Kaka-a, li Yesu azuku lie, omukpata gba ani-e atsia abhundja engú nani ani apa e-o. Abhomu-o, u atsia abhuka engú inde u aye e bhú Bhuku gba Ebhe, di ne bhende nani li Yesu apa e ko.

Yesu mbila bua ndu okpála hana

²³ Li Yesu adu lie bhú gudhu na Yelusalema ngubula anokomia na Pasika-a, okpála bhelé au ongú na ngangamba inde ani adu amene e-o. Abhomu-o, u atsia abhuka ani. ²⁴ Engú bini, ngaani makpe, ani ziba uo de. Padhá de, anga ani adu ambila ndu uo hana ndjindji. ²⁵ Ani ne gumu nayi kpála bini li 'ngú pindji kpálakuti ade. Padhá de, anga ngaani makpe, ani adu ambila engú inde bhú kpála ndjindji.

3

Yesu ngauo ne Nikodemu

¹ Kpála bini adu nani bhú ká omuFalisai . A adu 'li ani me Nikodemu. Ani adu nani saka ongamási gba omaYuda . ² Ani anu abhaka Yesu sukpe, ani atsia apa pi ani me: «Musunu, ya ambila me Ebhe atima mu ngae, ngú nasuno 'ngú pi ya. Padhá de, anga kpála bini ti da namene ongamba 'ngú , maka mu ngamemene lie inde-e de, i du me Ebhe nde bhú dabili bini ne ani ade ko.» ³ Yesu agie pi ani me: «Ma apa pi mu na paká me, kpála bini ti da nau Nau gba Ebhe-e de, i du me u nde zu ani ne toto de ko.» ⁴ Nikodemu ayi ani me: «Lele pi, u ti da nazu

gbé kpála lie ne toto-o? Aní ti da nagie lie bhú 'bu 'hi e, li 'hi aní tsia zú aní ne toto?»

⁵ Yesu agie pí aní me: «Ma apa pí mụ na paká me, kpála bini ti da nali bhú Naụ gba Ebhe-e de, i dụ me aní nde sia nazu li kpadji na engu di ne li kpadji na Bua de ko. ⁶ Bhende azu lie bhú kute-e, a ko kute. Bhende azu lie bhú Bhobua-a , a ko bua. ⁷ Mo ongamba de ka ma apa lie pí mụ me: <A ayo me u zu ndụ yi hana ne toto.> ⁸ Anvi ngape li pápá akunda nape li e. Mụ ngadje gígili. Engú bini, mụ mbila bili li anvi ango-o ayie li e de. Mụ mbila la di pápá adji li e de. A bhadi moko pí ndụ obhende hana asia nazu li kpadji na Bua.»

⁹ Abhomụ-o, Nikodemụ ayi Yesu me: «Engú ango-o ti da namene lie lele pí?» ¹⁰ Yesu atsia agie pí aní me: «Ngamụ-o, mụ ne sụka ongbengbe omusuno na Isalaele. Engú la bini, mụ mbila engú ango-o de! ¹¹ Ma apa pí mụ na paká me: ya ngapa engú inde ya ambila e. Ya la di ngakpokpo 'ngú pindji bhende ya au e ne djila ya. Engú la bini, yi bhuka engú inde ya akpokpo e pí yi-e de. ¹² Ma ngakpokpo 'ngú pí yi pindji 'ngú na pía doto. Engú bini, yi bhuka de. I dụ la me, ma nde akpokpo 'ngú pí yi pindji 'ngú na abhúlá-a, yi tsia bhúka? ¹³ Padhá de, anga kpála bini ade inde akolo nga abhúlá, bha bini ngama, Ndili gba kpála inde ayie oo-o!

¹⁴ Maka li Moidje a'e'e nani kulu kpulụ lie li ndula abhú 'gụ-o, a ayo bhadi me ngama, Ndili

gba kpála-a, u 'e'e bhadi ma moko.* ¹⁵ U 'e'e ma, amba kpála ne kpála inde abhuka ma-a, ani sia makobho na duduma. ¹⁶ Padhá de, anga Ebhe akunda okpála na pílá doto naali. Kaka-a, ani atima koli Ndili gba e bini-e ngubula me kpála ne kpála inde abhuka ani-e, ani akpí-i de. Engú bini, ani sia makobho na duduma. ¹⁷ La-a, Ebhe tima nani Ndili gba e ngú nakodho 'ngú gba okpála na pílá doto de. Engú bini, ani atima ani ngubula me, okpála na pílá doto kobho ka ani. ¹⁸ Kpála ne kpála inde abhuka ani-e, mangimbo pí ani ade. Engú la bini, kpála inde i bhuka de-e, u a'o mangimbo pí ani bhutode. Padhá de, anga ani bhuka koli Ndili bini gba Ebhe-e de.

¹⁹ Ta mangimbo ango-o me: zi 'kpí ago pílá doto, engú la bini, okpála na pílá doto akunda mangbo biti ane zi 'kpí, ka siti 'ngú inde u ngamene e-o. ²⁰ Ndu kpála hana inde ngamene siti 'ngú-o, yala zi 'kpí mayala. Ani gó di li bili li zi 'kpí nde li e de. Padhá de, anga ani ngakpe me osisiti 'ngú gba ni-e akoto mbámhá li zi 'kpí de. ²¹ Engú la bini, ndu kpála hana inde ngamene ngbili 'ngú , ngago li bili li zi 'kpí nde li e-o. Ani ngamene mo-o ngubula me u u mbámhá me okulu ni ngamene e, a amene lie maka li Ebhe aziba lie ko.»

Yesu ngauo ne Djaa

²² Pita 'ngú ango-o, Yesu ngauo ne omakpata gba e anu bhú ndu doto na Yudaya. Oo, ani adu ne uo ngubula mbo nedhinga bedi. Ani atsia

* **3:14** 3:14 Yesu ngapa bhomu-o engú nakpi ka e li kulusi di ne nagie lie ka e agba Ebhe.

adu abatisa okpála. ²³ Djaa atsia adu di nabatisa okpála bhú 'ngu na Enona, de bili na Salime, anga engu adu li bili ango-o naali. Okpála adu ago abhaka ani, ani atsia adu abatisa uo. ²⁴ (Li nedhinga bhomu-o, a abhaka me u nde bhike nga Djaa bhú tikpu de.)

²⁵ Abhomu-o, bhú ká omukpata gba Djaa, okoko aholo nabi bhayiki ne maYuda bini, pindji 'ngú navulu lie ngú nakolo ka e bubu, maka li líli apa lie-o. ²⁶ U anu abhaka Djaa, u atsia apa pi ani me: «Musunu, kpála nako yi adu ne e ayi 'ngu na Djuludani-e, di mo okpokpo 'ngú gba e-e, tsia nga mbia inde-e, ani ngabatisa okpála. Okpála bhelé nganu abhaka ani.»

²⁷ Djaa agie pi uo me: «Kpála bini ti da nasia 'he belegu de bini, i du me Ebhe nde ha pi ani ngae de ko. ²⁸ Ngayi makpe, yi ti da napapa li ma ngayi me, ma apa nako me: <Ngama-a, ma ne Masiya ade. Engú la bini, ma ne kpála inde u atima e pi ani kalanu.> ²⁹ Bhulu elu-o, a ko 'ko elu-o. Olu bhoko-o alu de ani, ani ngadje ani. Ani ngakpi djali naali ka ani ngadje 'li 'ko elu-o lie-o. A ko di djali gba ma-o, djali ango-o mbia inde-e libhomu. ³⁰ A ayo me u 'e'e ani ne abhúla, amba ngama-a, ma ke naama ne kuto.»

Kpála inde ayie abhúla-a ane ndu okpála hana

³¹ «Kpála inde ayie abhúla ane ndu okpála hana. Kpála inde ayie píla doto-o, a ko kpála na píla doto. Ani ngakpokpo 'ngú na píla doto. Kpála inde ayie abhúla-a ane ndu okpála hana.

³² Ani ngakpokpo 'ngú pindji engú inde ani au

e, di ne bhende ani adje e-o. La-a, kpála bini ziba engú inde ani ngakpokpo e de. ³³ Kpála inde aziba engú inde ani ngakpokpo e abhuka me Ebhe ngapa kúkulu 'ngú. ³⁴ Kpála inde li Ebhe atima e, ngakpokpo eli gba Ebhe . Padhá de, anga Ebhe abedhe ani ne Bua gba e bedhe. ³⁵ 'Dyi Ndili-e, akunda Ndili na bhobhoko gba e-o. Ani a'o ndu 'he hana sa 'kpa ani. ³⁶ Kpála inde abhuka Ndili-e, asia mukobho na duduma. La-a, kpála inde i bhuka Ndili-e de-e, sía mukobho ango-o de. Engú bini, ke 'ngú gba Ebhe-e adú pí ani.»

4

Yesu ngauo ne òlò bini na ndu doto na Samalia

¹⁻³ Abhomu-o, omuFalisai adje me okpála bhelé ngakpata Yesu, di ne me ani ngabatisa okpála bhelé ane Djaa . (A na paká me Yesu da nani naae nabatisa okpála de. Omukpata gba ani-e adu mangbo nabatisa okpála ngao.) Li Yesu adje lie mo-o, ani ayie bhú ndu doto na Yudaya, ani atsia agie lie bhú ndu doto na Galilaya, ⁴ ngú nanu oo. Padhá de, anga a ayo me ani pu bhú ndu doto na Samalia.

⁵ Ani akolo bhú gudhu bini na Samalia. A adu 'li gudhu ango-o me Sikale, dengo ndu doto inde nani li Jakobho aha e pi ndili gba e Djodjefu-o . ⁶ Li dabili ango-o, kpongungba Jakobho adu oo. Li Yesu andala lie ka dhuku-o, ani atsia adu dengo kpongungba ango-o kuto. A adu masakpe de tulukpe.

⁷ Òlò bini na Samalia ago ngú nase 'ngu. Abhomu-o, Yesu atsia apa pi ani me: «Ha mbo

engu nandji mandji mɔma.» ⁸ (A abhaka me omɔkpata gba ani-e nde agbida bhú gúdhɔ, ngú nakala ezɔ nazɔ mazɔ.) ⁹ Abhomɔ-o, ɔlɔ-o apa pi Yesu me: «Mɔ ne maYuda. Ngama-a, ma ne kpála na Samalia. Lele pi mɔ ti da nayo engu nandji mandji lie ka ma?» (Padhá de, anga omaYuda djedje lio ne omɔSamalia de.)

¹⁰ Yesu agie pi ani me: «Í dú me mɔ mbíla makalá gba Ebhe-e uo, i dú la di me mɔ mbíla kpála inde apa pi mɔ me: <Ha mbo engu nandji mandji mɔma uo>, mɔ de ayo mangbo engu ka ani ngamɔ. Ani de ahá engu na mɔkobho pi mɔ.» ¹¹ Ɖlɔ ango-o agie pi ani me: «Ngámá, ehe ngú nase engu-o ne di ka mɔ ade. 'Du 'ngu-o la di tsutsu. Mo oyíe ne engu na mɔkobho-o su? ¹² Ogbi ya Yakobho aha kpongú inde-e pi ya ngae. Ngaani makpe, ani andji engu inde-e bhú dabili bini ne ongisi di ne onɔ gba e-o. Mo obhundja naamɔ me mɔ ngbéngbé ane ani?»

¹³ Yesu agie pi ani me: «Kpála inde andji engu inde-e, ani adjé matá gɔmɔ 'ngu madje. ¹⁴ Engú bini, kpála inde andji engu inde ma ahá e pi ani-e, ani djé matá gɔmɔ 'ngu belegu de bini. La-a, engu inde ma ahá e pi ani-e, akólo bhú ani kpongú na mɔkobho na dúdɔma.» ¹⁵ Ɖlɔ ango-o apa pi ani me: «Ngámá, ha mbo engu ango-o mɔma, amba ma adjé matá gɔmɔ 'ngu de. Ma agó la di matá nase engu inde-e de.»

¹⁶ Yesu apa pi ani me: «Nɔ 'i 'ko mɔ, amba mɔ gie matá limɔ ei.» ¹⁷ Ani agie pi Yesu me: «Bhoko ka ma ade.» Yesu atsia apa pi ani me: «Mo opa ndjindji me bhoko ka mɔ ade ko. ¹⁸ Padhá de,

anga mo odu nako ne obhosi bhuluvue. Bhoko bhende yi nde ne e mbia inde-e, a ko la di 'ko mu de. Mo opa kukulu 'ngú.»

¹⁹ Abhomu-o, òlò ango-o apa pi Yesu me: «Ngámá, ma au me mu ne polofeta . ²⁰ Onguo ogbi ya, okpála na ndu doto na Samalia-a, adhögø Ebhe pí eta inde. Engú bini, ngayi omaYuda-a, yi ngapa me gudhu na Yelusalema ne bili inde a ayo lie me u dhögø Ebhe-o.»

²¹ Yesu atsia agie pi ani me: «Òlò-e, bhuka 'li ma. Nedhinga ngago, nedhinga inde yi dhögø 'Dyi ní lie pí eta inde-e de. Yi dhögø la di ani lie bhú gudhu na Yelusalema de. ²² Ngayi okpála na ndu doto na Samalia-a, yi ngadhögø Ebhe inde yi mbila e de. Engú bini, gaya-a, ya ngadhögø Ebhe inde ya ambila e. Padhá de, anga mukobho ago ne li pápá gba omaYuda. ²³ Engú bini, nedhinga ngago, nedhinga ango-o belegu akolo, nedhinga inde li okukulu okpála nadhögø 'Dyi ní adhögø ani lie bhú Bu Bhobua , di ne bhú kukulu 'ngú-o. Padhá de, anga a bhomu-o okukulu okpála nadhögø 'Dyi ní inde ani nde ne gumu o-o. ²⁴ Ebhe ne Bua. Kaka-a, a ayo me okpála inde ngadhögø ani-e, dhögø ani bhú Bua di ne bhú kukulu 'ngú.» ²⁵ Òlò-o apa pi Yesu me: «Ma ambila me Masiya ('ili ango-o akunda napa me Kilisito) agó mago. Li ani agó lie-e, ani tsia bhúlu ndu 'ngú hana pi ya mbámá.» ²⁶ Yesu agie pi ani me: «Ngama kpála inde ngakpokpo 'ngú pi mu mbia inde-e, ma ne ani.»

²⁷ Li nedhinga bhomu-o, omukpata gba Yesu-o agie lio. U angamba naali ngú nau ani me ani

nde ngagama 'ngú ne eḷe. Engú bini, suka uo bini yi ani de me: «Mɛ ngagili ni?» di ne me: «Mɛ ngagama 'ngú ne ani ngú ni?»

²⁸ Abhomɛ-o, eḷe ango-o a'o ká lusa 'ngu gba e-o. Ani agie lie abhú gɔdhɛ. Ani atsia apa pi okpála me: ²⁹ «Yi gógo, yi u kpála inde akpokpo ndɛ 'ngú hana inde ma amene e mɛma. A ko ndi Masiya di?» ³⁰ Abhomɛ-o, u aze bhú gɔdhɛ-o, u atsia agbida nabhaka Yesu.

³¹ Bhú nedhinga bhomɛ-o, omɔkpata gba Yesu-o adɛ atɛ ani me ani zɛ 'he. U adɛ apa pi ani me: «Mɛsuno, zɛ nga mbo 'he!» ³² Engú bini, ani agie pi uo me: «A ka ma ne ehe nazɛ mazɛ inde yi mbila 'ngú li e de.» ³³ Abhomɛ-o, omɔkpata-a ayi lio sɔnda o me: «Kpála bini ago ndi pi ani ne ehe nazɛ mazɛ adi?»

³⁴ Yesu apa pi uo me: «Ezɛ gba ma-a, a ko namene gɔmɛ gba kpála inde atima ma-o, di ne nandjia kulu inde ani aha e mɛma-o. ³⁵ Ngayi-e, yi papa me: <A atigala matá epe badha ngɔbula na'e nguwa abhiye.> La ngama-a, ma apa pi yi me, yi tsia nga oedyi-e ndjindji. Padhá de, anga nguwa abhele, a akolo bedhe ngɔbula na'e'e abhiye! ³⁶ Kpála inde ngagbe nguwa abhiye-e ngasia makalá gba e-o. Ani ngapo bhúla nguwa-a ngɔbula mɔkobho na dɔduma. Kaka-a, kpála nalu nguwa, ne kpála inde nga'e'e abhiye-e, ngakpi djali bhú dabili bini. ³⁷ Padhá de, anga a ko kɔkɔlɛ 'ngú, engú inde u apa e bhú gbítaku me: <Kpála koko ngalu nguwa-o, li kpála koko tsia 'é abhiye.> ³⁸ Ngama-a, ma atima yi na'e nguwa bhiye inde yi ndala bhú e de. Okpála koko

andala bhúbhú, yi la ngasia bádha 'ngú li kulu gba uo-o.»

³⁹ Abhomu-o, okpála bhelé na gudhu na Samalia bhomu-o abhuka Yesu ka eli inde li elø-o akpokpo e me: «Ani akpokpo ndu 'ngú hana inde ma amene e muma.» ⁴⁰ Kaka-a, li okpála na gudhu na Samalia akolo lie de Yesu-o, u ayo ka ani me ani du mbo gba o oo. Abhomu-o, Yesu atsia amene oo ekpí bhisi. ⁴¹ Okpála bhelé naali abhuka matá ka eli inde li Yesu apa e-o. ⁴² U atsia apa pi elø-o me: «Mbia inde-e, ya bhuka bha bini ka engú mo okpokpo e de. Engú bini, ya abhuka anga ngaya makpe-e, ya adje ani. Ya atsia ambila na paká me a ko Mukobho gba okpála na pila doto.»

Yesu akobho ndili na bhobhoko gba 'ngbé kpála bini

⁴³ Pita 'kpí bhisi li Yesu amene e oo, ani ayie oo, ani atsia anu bhú ndu doto na Galilaya. ⁴⁴ Ngaani makpe-e, ani apa nani me: «Polofeta inde u amanga e bhú doto gba e belegu ade bini.» ⁴⁵ Li ani akolo lie bhú ndu doto na Galilaya-a, okpála inde oo asia ani ndjindji. Padhá de, anga u au ndu 'ngú hana inde li ani amene e li nedhinga na anokia bhú gudhu na Yelusalema-o, anga u adu di oo.

⁴⁶ Pipita-a, Yesu agie lie bhú kuti na Kana, bhú ndu doto na Galilaya. A bhomu-o bili inde ani adji nani engu li e, atsia akolo vino-o. 'Ngbé kpála bini na Lita adu oo. Adu li ndili gba ani na bhobhoko-o ne kuo, bhú kuti na Kapalanauma.

⁴⁷ Li kpála ango-o adje lie me Yesu ayie bhú

ndu doto na Yudaya, ani akolo bhú ndu doto na Galilaya-a, ani anu abhaka ani. Ani atsia akikiliki lie pi ani me ani nu bhú kuti na Kapalanauma, amba ani kobho ndili gba ni na bhobhoko-o. Padhá de, anga ndili ango-o adu masikpe de nakpi.

⁴⁸ Abhomu-o, Yesu atsia apa pi ani me: «I du me yi nde u ongamba 'ngú , di ne okiaka 'ngú de-e, a na paká me yi ti da nabhubhuka de!»

⁴⁹ 'Ngbé kpála na Lita-a apa pi ani me: «Ngámá, kala me ndili-e kodho bua e, gogo.» ⁵⁰ Yesu apa pi ani me: «Gie limu agba mu, ndili gba mu-o akobho!»

Kpála ango-o abhuka engú inde li Yesu apa e pi ani-o. Ani atsia atapa. ⁵¹ Nedhinga ani adu anu lie-e, okpála na kulu gba ani-e ago akò lio ne ani li kpadji. U apa pi ani me: «Ndili gba mu-o akobho!»

⁵² Ani atsia ayi uo li nedhinga li ndili-e akolo lie ndjindji-o. U apa pi ani me: «Bandji-e ayie li ani lili bhú saa na bini, pita tulukpe.»

⁵³ Abhomu-o, 'dyi ndili-e atsia ambila me, a ko saa inde li Yesu apa pi ani lie me: «Ndili gba mu-o akobho-o.» Nayie li nedhinga bhomu-o, ngaani makpe-e, ani abhuka, di ne piga gba e libhomu.

⁵⁴ A bhomu-o ngamba 'ngú na bhisi li Yesu amene e, pita ani ayie lie bhú ndu doto na Yudaya, ani atsia agie lie bhú ndu doto na Galilaya ko.

5

Yesu akobho kpála inde agugumu kuto

¹ Pita onǵú akodho 'kpí-e, anokomia bini gba omaYuda ati. Abhomu-o, Yesu atsia anu bhú gũdhũ na Yelusalema. ² Bhú gũdhũ oo, de bhoti inde u a'i e me bhoti gba Okandølo-o, 'dú 'ngu bini navulu kũte adu oo. A adu 'li 'li bhú eli na Ebele me Betedjata. Djedje 'he maka 'ti ngbangbali adu dede bhuluvue. ³ Obhulu kuo bhelé adu me u nde asili kuto sasa. A adu nani okpála inde i u 'kpí de, ne okpála inde ne eze li 'dhũ o, di ne okpála na bhuku kũte. [U adu adjeke me engu-o dimba. ⁴ Padhá de, anga li onedhinga koko-o, andjelu bini gba Ngámá-a adu akø bhú 'ngu-o, engu-o atsia adu adimba. Kpála na kuo inde adu akø bhúbhú kalanu-o, adu nakobho. Belegu li kuo du bha nani pi-ie.]

⁵ Bhoko bini adu oo, ani asi nani ne kuo kalanga ndjikpa bata ne ká madjina. ⁶ Li Yesu au ani lie asi kuto-o, ani ambila di lie me ani asi ne kuo 'kpí bhelé-e, ani atsia ayi ani me: «Mo okũnda nakobho?» ⁷ Kpála na kuo ango-o agie pi ani me: «Ngámá, kpála ka ma ade ngubula me ani kø ma bhú 'ngu-o, li nedhinga inde i ngadimba lie-o. Ma le me ma nu me-e, li kpála koko kodho 'kpí kala ma.» ⁸ Yesu apa pi ani me: «Yie bhúlá, ha tsala gba mu-o, nũnu.» ⁹ Kolo má gala me-e, kpála na kuo-o akobho. Ani aha tsala gba e-o, ani atsia aholo nadhuku.

La-a, adu nani li 'kpí nago gba omaYuda-o. ¹⁰ Abhomu-o, omaYuda apa pi kpála inde akobho-o me: «A ko 'kpí nago. A ayo de me mu bi tsala gba mu-o de.» ¹¹ Ani agie pi uo me: «Kpála inde akobho ma-a, apa muma me: <Ha

tsala gba mụ-o, n̄n̄n̄.»» ¹² U ayi ani me: «A ko kpála bhedho inde apa pi mụ me: <Ha tsala gba mụ-o n̄n̄n̄?»» ¹³ Engú bini, kpála inde akobho-o mbila de me a ko da. Padhá de, anga adu me Yesu nde angita bhú ká okpála inde adu li bili ango-o angita.

¹⁴ Pipita-a, Yesu abhaka ani bhú 'ngbé 'ti Ebhe gba omaYuda-o. Yesu apa pi ani me: «Tsitsia nga, mo okobho. Mo oméne matá siti 'ngú de, amba engú inde ane ne siti-e, akólo li kute mụ de.» ¹⁵ Kpála ango-o anu napa pi omaYuda me Yesu akobho ni ngae. ¹⁶ Kaka-a, omaYuda aholo nadje siti bua p̄ndji Yesu. Padhá de, anga ani amene nani engú ango-o bhú 'kpí naguo. ¹⁷ Engú bini, Yesu agie pi uo me: «Maka li 'Dyi ma ngamene kulu lie nakolo pi mbia inde-e, Ngama di-e, ma ngamemene moko.» ¹⁸ Kaka-a, omaYuda adu agili matá ne kekele ngú nabhelo ani. Padhá de, anga ani gumu bha bini líli na 'kpí naguo de, engú bini, ani adu apa lie me Ebhe ne 'Dyi ni-e, ani adu ale lie bhomu-o li Ebhe.

Ebhe aha ndu 'ngú gba e hana pi Ndili gba e-o

¹⁹ Abhomu-o, Yesu apa matá pi uo me: «A moko, ma apa pi yi na paká me ngama Ndili-e, ma ti da namene 'he bini bhú ngu ma de, bha bini bhende ma au me 'Dyi ma ngamene e-o. Padhá de, anga ehe inde li 'Dyi ma ngamene e, ngama Ndili-e, ma ngamemene bhadi moko. ²⁰ 'Dyi ma kunda ma, Ndili gba e-o. Ani ngasuno ndu 'ngú hana inde ngaani makpe ani ngamene e muma, Ndili gba e-o. Ani asúno muma, Ndili gba e, okulu na ngbengbengbe inde ane

obhende-e mane. Yi tsia ngámba tété. ²¹ Padhá de, anga maka li 'Dyi ma ngazuku okpála inde amu-o lie, ani la di ngaha mukobho pi uo-o, ngama, Ndili gba ani-e, ma ngaha bhadi mukobho moko pi kpála inde ma akunda nahaha pi e ko. ²² 'Dyi ma kodho 'ngú gba kpála bini de. Engú bini, ani aha nakodho 'ngú hana muma, Ndili gba e, ²³ ngubula me ndu okpála hana du namanga ma, Ndili gba ani, maka u ngamanga ani 'Dyi ma lie ko. Kpála inde i manga ma, Ndili-e de-e, ani manga di 'Dyi ma inde atima ma-a de.

²⁴ A moko, ma apa pi yi na paká me kpála inde adje 'li ma-a, inde abhuka la di kpála inde atima ma-a, kpála ango-o asia mukobho na duduma. U 'ó mangimbo pí kpála ango-o de. Engú bini, ani ayie bhú kuo, ani atsia akodho 'kpí bhú mukobho. ²⁵ A moko, ma apa pi yi na paká me nedhinga ngago, mbia inde-e, nedhinga ango-o belegu akolo, nedhinga li okpála inde amu-o, adjé 'li Ndili gba kpála-a lie-o. Abhomu-o, okpála inde adjé-e, u tsia kóbho.

²⁶ Padhá de, anga maka li 'Dyi ma nde lie ne angu ngubula naha mukobho-o, ani aha bhadi angu muma, Ndili gba e moko ngubula me ma du naha mukobho. ²⁷ Ani atsia aha la di angu muma, Ndili gba e, ngú nakodho 'ngú gba okpála, anga ma ne Ndili gba kpála. ²⁸ Yi angámba tété de. Padhá de, anga nedhinga ngago. Bhú nedhinga ango-o, ndu okpála hana inde bhú lata-a, adjé 'li Ndili gba kpála-o. ²⁹ Abhomu-o, u tsia zé. Okpála bhende amene bádha 'ngú-

o, azúku ngubula nasia mukobho. Engú bini, okpála bhende amene siti 'ngú-o, azúku ngubula nasia mangimbo.»

Yesu bha bini ngamene gumu gba 'Dyi e

³⁰ Ngama-a, ma ti da namene 'he bini bhú ngu ma de. Ma ngakodho 'ngú maka li kpála atima ma-a ngapapa muma lie ko. Kaka-a, nakodho 'ngú gba ma-a ngbingbili. Padhá de, anga ma gili namene gumu gba ma-a de. Engú bini, ma ngagili mangbo namene gumu gba kpála inde atima ma ko. ³¹ I dú me ma du akpokpo 'ngú inde a atsia ma-a, engú ang-o de dú kukulu 'ngú de. ³² Engú bini, kpála koko ngakpokpo 'ngú gba ma-a ngae. Ma ambila me engú gba ma inde ani ngakpokpo e, a ko kukulu 'ngú. ³³ Ngayi-e, yi atima okpála agba Djaa , ani atsia akpokpo kukulu 'ngú. ³⁴ Ngama-a, ma ne gumu kpála ngú nakpokpo 'ngú gba ma-a ade. La-a, ma ngapapa mo-o ngubula me yi sia mukobho.

³⁵ Djaa nani maka eke inde u adhedhe e, inde ngatsi matsi. Ngayi-e, yi atsia akunda nani nakpi djali ngubula mbo nedhinga bedi li zi 'ke gba ani-o. ³⁶ Engú bini, engú gba ma inde u ngakpokpo e, ane bhende gba Djaa mane. A ko bhende na kulu inde li 'Dyi ma apa me ma mene e-o. A moko, kulu inde ma ngamene e ngasuno me 'Dyi ma atima ma ngae. ³⁷ 'Dyi ma inde atima ma-a, akpokpo di engú gba ma-a ngae. La-a, yi dje nga 'li ani belegu de bini, yi u nga la di ani de. ³⁸ Eli gba ani-e ngadu bhú yi ade. Padhá de, anga yi ayala nabhuka kpála inde ani atima e-o. ³⁹ Yi ngadjipi 'ngú pindji

Bhuku gba Ebhe-e ndjindji, anga yi ngabhundja me yi asía mukobho na dũdũma bhũbhũ. A la bhomũ-o Bhuku inde ngakpokpo 'ngú gba ma-o!
⁴⁰ Abana mo-o, yi kũnda nago abhaka ma ngú nasia mukobho ango-o de.

⁴¹ «Ma gili de me okpála dhөгө ma-a de.
⁴² Engú bini, ma mbila yi ndjindji. Ma ambila me yi ne mukũnda pi Ebhe ade. ⁴³ 'Dyi ma atima ma ngae. La-a, yi sia ma de. I dũ la me kpála koko nde ago bhũ ngu e, yi tsia sía ani! ⁴⁴ Yi ngatoko liyi sũnda yi. Yi gili de me Ebhe toko bha yi ngae de. Lele pi yi ti da nabhuka ma lie?
⁴⁵ Yi abhũndja de me ma a'ó yi bhũ mangimbo kala 'Dyi ma ngama-a de. Kpála bhende a'ó yi bhũ mangimbo-o, a ko Moidje inde yi a'o 'to yi 'to e ko. ⁴⁶ I dũ me yi bhũka Moidje kukũũ-o, yi de abhũka di ma mabhuka . Padhá de, anga Moidje aye nani engú gba ma-o. ⁴⁷ Engú bini, i dũ me yi nde bhuka engú inde ani aye e de-e, yi abhũka la 'li ma lele pi?»

6

Yesu aha ezũ pi obhosi kutu bhuluvue

(Tsia bhũ Mat. 14:13-21; ne bhũ Mlk. 6:30-44; di ne bhũ Luk. 9:10-17.)

¹ Pipita-a, Yesu akodho 'kpí li pápá koko na ekpø na Galilaya, inde u a'i di-e me ekpø na Tibeliade. ² Bhiti okpála na bhibhiti adũ akpata ani. Padhá de, anga u adũ au ongamba 'ngú inde ani adũ amene e li nakobho okpála na kuo-o. ³ Yesu atsia a'ũ apí 'ta. Oo, u atsia adũũ ne

omukpata gba e kuto. ⁴ A adu me anokomia na Pasika gba omaYuda nde akolo masikpe.

⁵ Abhomu-o, Yesu atsia 'kpí, ani au bhiti okpála na bhibhiti ngago abhaka ani. Ani atsia ayi Filipino me: «Ní ti da nakala mapa su ngubula me okpála inde-e hana zu-o?» ⁶ (Yesu adu apa mo-o ngubula nale Filipino. Padhá de, anga ngaani Yesu-o, ani adu ambila engú inde ani améne e ndjindji.)

⁷ Filipino atsia agie pi ani me: «Abana ya kala mapa ne lí denalio kámá bhisi-e, alé de me kpála ne kpála sia mbo-o de.» ⁸ Suka omukpata gba ani koko-o, Andili ndai Simo Piele, apa pi ani me: ⁹ «Ndili na bhobhoko bini si-i, a ka ani ne mapa na olodje* bhuluvue di ne sungu bhisi. A la bhomu-o ni pi bhiti okpála inde-e?»

¹⁰ Do Yesu de-e: «Yi pa pi okpála me u dudu kuto.» (Ulu adu li bili ango-o naali.) Okpála atsia adudu kuto. Obhosi adu masikpe de kutu bhuluvue. ¹¹ Abhomu-o, Yesu aha mapa-o. Ani atsia agie heni pi Ebhe. Ani atsia agapa li okpála inde adu oo-o. Ani aha bhadi sungu-o pi uo moko li lele maka u adu akukunda lie ko. ¹² Li okpála a'u'u lie, Yesu atsia apa pi omukpata gba e me: «Yi po bhúla dudu inde atigala-o, ngubula me asiti de.» ¹³ Dú mapa na olodje bhuluvue inde atigala-a, u apo bhúbhúla. A atsia abebedhe okili ndjikpa ne ká bhisi.

¹⁴ Li okpála au ngamba 'ngú inde li Yesu amene e lie, u atsia apa me: «A inde-e bha ndju polofeta inde a ayo me ani go pila doto-o!» ¹⁵ Yesu ambila

* **6:9** 6:9 Mapa na olodje: A ko nani mapa na bhuku mase. Okpála na ndibhili ti nani da nakakala ndjindji.

me u ngakunda nago aholo ni ne kpéke me ni dũ ngámá. Abhomũ-o, aní ayie, aní atsia anũ matá kpi e kpi apí 'ta.

Yesu adhukũ pí 'ngu

(*Tsia bhú Mat. 14:22-33; di ne bhú Mlk. 6:45-52.*)

¹⁶ A akolo lie tagolo-o, omukpata gba Yesu akò alingo ekpè-o. ¹⁷ U a'ũ bhú zabũ bini u atsia aholo nagugulu, anũ li pápá na Kapalanauma. La-a, ekpí abi li uo padhá me Yesu nde kolo nga li uo de. ¹⁸ Anvi adũ ape kpekpeke. Kaka-a, engu-o aholo nadimba. ¹⁹ A abhaka me omukpata-a nde adhukũ ne zabũ-o masikpe de kilometele madhia. Li nedhinga bhomũ-o, u au Yesu me aní nde ngadhukũ pí 'ngu. Aní akolo de zabũ-o. Abhomũ-o, u aholo nadje tsulũ. ²⁰ Engú bini, Yesu apa pí uo me: «A ko ma, yi adjé tsulũ de!» ²¹ U adũ akunda me o ha aní, amba o bi aní bhú zabũ-o. La-a, zabũ akolo bha kolo lingo 'gè li bili u adũ anũ lie-o.

Bhiti okpála agìli Yesu

²² Li ekpí aseke lie, bhiti okpála inde atigala ayi 'ngu-o au bha koli zabũ bini. La-a, u adũ ambila ndjindji me Yesu 'ũ bhú zabũ bhú dabili bini ne omukpata gba e de. Omukpata-a anũ kpi o kpi. ²³ Li nedhinga bhomũ-o, ozabũ koko ayie bhú gudhũ na Tibeliade, atsia akolo de bili li okpála azũ mapa li e pita li Ngámá agie heni lie pí Ebhe-o. ²⁴ Li bhiti okpála bhomũ-o au lie me Yesu ne omukpata gba e oo ade-e, u a'ũ'ũ bhú ozabũ-o, u atsia agbida bhú Kapalanauma ngú nagìli Yesu.

Yesu ne mapa na mukobho

²⁵ U anu abhaka Yesu ayi 'ngu. Abhomu-o, u ayi ani me: «Musunu, mo okolo ei nadho?»

²⁶ Yesu agie pi uo me: «Heni, ma apa pi yi na paká me, yi ngagili ma ka ongamba 'ngú inde yi au e ade. Yi ngagili mangbo ma ka mapa inde yi azu e, yi atsia a'u'u ne e má kpú kpú kpú-o! ²⁷ La-a, yi améne kulu ngubula ezú inde ngazi mazi-e de. Engú bini, yi mene mangbo ngubula ezú inde ngabhue, di ne bhende ngaha mukobho na duduma ko. Ngama, Ndili gba kpála-a, ma ahá ezú ango-o pi yi ngama. Padhá de, anga Ebhe 'Dyi ma a'o kasé na angu gba e li kute ma.»

²⁸ Abhomu-o, u atsia ayi ani me: «A ayo me ya mene pi ngú namene kulu maka li Ebhe akunda lie?» ²⁹ Do Yesu pi uo me: «Kulu gba Ebhe-e, a ko me yi bhuka kpála inde ani atima e ko.»

³⁰ Abhomu-o, u atsia ayi ani me: «Mo oméne mangua ngamba 'ngú dho me ya u, amba ya bhuka mu-o? Kulu gba mu-o ne ni? ³¹ Li onguo ogbi ya adu lie abhú 'gu-o, u azu mana maka u aye nani lie bhú Bhuku gba Ebhe-e me: «Ani aha mapa inde ayie abhúlá-a pi uo ngú nazuzu.†»»

³² Abhomu-o, Yesu agie pi uo me: «A moko, ma apa pi yi na paká me, Moidje ha mapa na abhúlá-a pi yi ngae de. Engú bini, 'Dyi ma ngaha mapa na kukulu na abhúlá-a pi yi ngae. ³³ Padhá de, anga mapa inde li Ebhe ngaha e, a ko bhende ngayie abhúlá, inde ngaha la di mukobho pi okpála na doto-o.» ³⁴ Abhomu-o, u atsia apa pi

† 6:31 6:31 Tsia bhú Eki. 16:4, 15; di ne bhú Ets. 78:24.

Yesu me: «Ngámá, ha pi ya ndu 'kpí hana mapa bhomu!»

³⁵ Yesu agie pi uo me: «Ma ne mapa na mukobho. Kpála bhende ago abhaka ma-a, gumu 'zu méne ani belegu de bini. Kpála bhende abhuka la di ma-a, gumu 'ngu méne ani belegu de bini. ³⁶ Engú bini, ma apa 'ngú inde-e pi yi apa. Yi au ma. La-a, yi bhuka de. ³⁷ Ndu kpála hana inde li 'Dyi ma ngaha e muma-a, agó li pabili gba ma. La di-e, ndu kpála hana inde agó li pabili gba ma-a, ma bhíke ani de. ³⁸ Padhá de, anga ma ayie abhúlá, ma ago ngú namene engú inde li kpála inde atima ma-a akunda e ko. Engú bini, ma go ngú namene naama 'ngú de. ³⁹ Engú inde li kpála inde atima ma akunda e-e, a ngae inde: ndu okpála inde ani aha o muma hana, a ayo de me suka uo bini ngita-a de. Engú bini, a ayo me, ali sokpí-e, ma zuku ndu uo hana. ⁴⁰ Padhá de, anga 'Dyi ma akunda me, ndu okpála hana inde au ma Ndili-e, inde abhuka la di ma-a, sia mukobho na duduma, amba ma zuku uo ali sokpí.»

⁴¹ Abhomu-o, omaYuda aholo namene bhayiki li kute ani. Padhá de, anga ani apa nani me: «Ma ne mapa inde ayie abhúlá.» ⁴² U atsia apa me: «A inde-e Yesu, ndili gba Djodjefu-o di? Ya mbila 'dyi ani ne 'hi ani hana. Lele pi ani apa lie me ni ayie abhúlá?» ⁴³ Yesu agie pi uo me: «Yi 'o namene bhayiki sunda yi. ⁴⁴ Kpála ti da nago abhaka ma de, i du me 'Dyi ma inde atima ma-a nde holo 'kpa ani ngae de ko. Ngama la di-e, ma azúku ani li sokpí. ⁴⁵ Opolofeta aye

engú inde-e me: «Ebhe asuno 'ngú pi ndu okpála hana.†» Kpála ne kpála inde adje 'li 'Dyi ma, inde asia la di nasuno gba ani-e, ago nabhaka ma. ⁴⁶ Bhobhomu apa me, kpála bini u Ebhe de. Bha bini ma, kpála inde ayie agba Ebhe-e, ma au bha 'Dyi ma ngama. ⁴⁷ A moko, ma apa pi yi na paká me, kpála inde abhuka-a, asia mukobho na duduma.

⁴⁸ Ngama-a, ma ne mapa na mukobho. ⁴⁹ Onguo ogbi yi azu nani mana abhu 'gu. La-a, u atsia amu. ⁵⁰ Engú bini, mapa bhende ayie abhulá-a, a ko bhende li kpála zu e, ani kpí de ko. ⁵¹ Ma ne mapa inde uu, inde ayie abhulá ko. I du me kpála nde azu mapa ango-o, ani dú bhú mukobho na duduma. Mapa inde ma ahá e, a ko kute ma. Ma ngahaha me okpála na doto sia mukobho.»

⁵² Li omaYuda adje 'ngú bhomu-o lie, u aholo amene kpekebhe sunda o kpekepeke. U adu apa me: «Lele pi kpála inde-e ti da naha kute e lie pi ní me ní zu-o?» ⁵³ Abhomu-o, Yesu apa pi uo me: «A moko, ma apa pi yi na paká me: i du me yi nde zu kute ma, Ndili gba kpála de-e, i du la di me yi nde ndji ngute ma de-e, yi dú bhú mukobho de. ⁵⁴ Kpála inde ngazu kute ma, inde la di ngandji ngute ma-a, ani bhú mukobho na duduma. Ngama-a, ma azúku la di ani ali sokpí. ⁵⁵ Padhá de, anga kute ma-a, a ko ezu na kukulu. Ngute ma la di-e, a ko ehe nandji mandji na kukulu. ⁵⁶ Kpála inde ngazu kute ma, inde la

† 6:45 6:45 Tsia bhú Isa. 54:13.

di ngandji ngute ma-a, ani ngadu bhú ma. Ma la di ngadu bhú ani.

⁵⁷ 'Dyi ma inde atima ma-a, ani uu. Ma la di ngadu bhú mukobho ka ani. A bhadi moko, kpála inde azú ma-a, ani adú bhú mukobho ka ma. ⁵⁸ A bhomu-o mapa inde ayie abhúlá ko. A maka bhende li onguo ogbi yi azu e, u atsia amu-o ade. Engú bini, kpála inde azú mapa inde-e, adú bhú mukobho na dudu ma.» ⁵⁹ Yesu akpokpo ndu 'ngú bhomu-o li nedhinga inde ani adu asuno lie bhú 'ti nadjé líli gba Moidje bhú Kapalanauma-o.

Eli inde ngaha mukobho na dudu ma

⁶⁰ Pita u adje engú inde li Yesu apa e lie, bhelé na omukpata gba ani-e atsia apa me: «Eli inde-e, a kpekepeke! A ti da naziziba da?» ⁶¹ Engú bini, Yesu ambila me omukpata gba ni-e ngamene kpekebho pindji 'ngú ango-o. Kaka-a, ani apa pi uo me: «Engú ango-o ngamene yi sisiti? ⁶² A la yi u me ngama, Ndili gba kpála-a, ma nde nga'u li bili inde ma adudu nani lie kalanu-o? ⁶³ Bua gba Ebhe-e ngaha mukobho ngae. Kpála-kuti ti da namene 'he bini de. Oeli inde ma apa e pi yi bhomu-o, a ko Bua inde ngaha mukobho. ⁶⁴ Engú bini, okoko bhú ká yi bhuka de.» A na paká me Yesu ambila nani nayie li lilita me obhende i bhuka ni de-e ngao dho. Ani atsia ambila la di me apú ni da-ie. ⁶⁵ Ani atsia apa matá me: «Kaka-a, ma apa nako pi yi me: «Kpála bini ti da nago gba ma de, i du me 'Dyi ma nde ha kpadji pi ani ngae de ko.»»

66 Nayie li nedhinga bhomu-o, bhelé na omukpata gba ani-e a'o ká ani. U kpata matá ani de. 67 Abhomu-o, Yesu atsia ayi obhende ndjikpa ne ká bhisi-e me: «Ngayi di-e, yi akúnda nagbida?» 68 Simo Piele agie pi ani me: «Ngámá, ya ti da nanu gba da? A ka mu ne oeli inde ngaha mukobho na duduuma. 69 Ngaya-a, ya abhuka. Ya atsia ambila la di me mu ne Kpála na bubu inde li Ebhe atima e ko.» 70 Yesu agie pi uo me: «Ngayi okpála ndjikpa ne ká bhisi-e, ma lo nako yi ngama di? La-a, saka yi bini ne djabulu!» 71 Ani adu apa 'ngú bhomu-o li Yuda, ndili gba Simo Isikaliote. Padhá de, anga belegu ani adu lie saka omukpata ndjikpa ne ká bhisi-e, adu kpála inde apú Yesu-o ngae.

7

Ondaise Yesu bhuka ani de

1 Pipita-a, Yesu aholo nadholo bhú ndu doto na Galilaya. Ani du akúnda nadholo bhú ndu doto na Yudaya de, anga omaYuda adu akúnda nabhele ani oo. 2 A adu me, anokomia na oti ngbangbali gba omaYuda nde akolo masakpe. 3 Abhomu-o, ondaise Yesu atsia apa pi ani me: «Yie si yiyie. Nu bhú ndu doto na Yudaya, ngubula me omukpata gba mu-o, ngauo di-e, u u ngamba 'ngú inde mu ngamene e ko. 4 Padhá de, anga kpála inde akúnda me okpála u ngamba 'ngú inde ni ngamene e mau-o, ani méne bhú pepe de. I nde lie me mu nde ngamene ngua ngamba 'ngú bhomu-o, mene kala ndu okpála

hana!» ⁵ Padhá de, anga ondaise ani-e, ngauo makpe-e, u bhuka nani ani de.

⁶ Abhomu-o, Yesu atsia apa pi uo me: «Nedhinga gba ma-a kolo nga de. Engú bini, pi yi-e, nedhinga ndu 'kpí hana ndjindji. ⁷ Okpála na doto ti da nayala yi de. La muma-a, u ngayala ma. Padhá de, anga ma ngapa me kulu gba uo-o ndjindji ade. ⁸ Yi nu bhú anokomia-a nunu. Ngama-a, ma nú-u de. Padhá de, anga nedhinga gba ma-a kolo nga de.» ⁹ Pita ani apa lie mo-o, ani atsia atigala bhú ndu doto na Galilaya.

Yesu asuno pi okpála bhú 'ngbé 'ti Ebhe gba omaYuda

¹⁰ Li ondaise Yesu agbida lie bhú anokomia-a, ani atsia anu di oo. La-a, ani suno lie mbámbá de. Ani adu me ani nde awo lie mawo. ¹¹ Abhomu-o, omaYuda adu agili ani bhú nedhinga na anokomia-o. U adu ayi me: «Ani su?» ¹² U adu amene kpekebhe naali li 'ngú gba ani-e bhú ká okpála. Okoko adu apa me: «A ko bádha kpála.» Okoko adu apa me: «A mo-o ade, ani ngapite okpála.» ¹³ Engú bini, u du apa engú angoo mbámbá de. Padhá de, anga u adu akpe omaYuda.

¹⁴ Nedhinga li anokomia akolo lie tutu-o, Yesu anu bhú 'ngbé 'ti Ebhe gba omaYuda, ani atsia aholo nasuno pi okpála. ¹⁵ Abhomu-o, omaYuda angamba naali. U atsia adu ayi lio me: «Kpála inde-e mene balua de. Ani ambila la 'he me-e lele pi?» ¹⁶ Yesu agie pi uo me: «Nasuno gba ma-a ngayie ka ma ade. Engú bini, a ngayie ka Kpála inde atima ma ko. ¹⁷ I du me kpála nde akunda

namene engú inde li Ebhe akunda e-e, ani ti da nambila me, ne me ayie ka Ebhe, ne me ma ngakpokpo 'ngú gba ma makpe. ¹⁸ Kpála bhende ngakpokpo 'ngú gba e makpe-e, ani ngagili me okpála dhөгө ni. Engú bini, kpála bhende ngagili me u dhөгө kpála bhende atima ni-e, ani ngapa 'ngú na kukulú. Ani pa la di eu de. ¹⁹ Moidje aha nani líli pi yi ngae. A mo-o adi? La-a, kpála bini bhú ká yi ngamene líli ango-o ade. Yi la ngagili nabhөлө ma ngubula ni?»

²⁰ Okpála agie pi ani me: «A bhú mɔ ne siti bua ! A ngagili nabhөлө mɔ da?» ²¹ Yesu agie pi uo me: «Ma amene bha koli ngamba 'ngú bini má kpikili, ndu yi hana yi atsia aholo nangamba! ²² Moidje aha nani líli pi yi me, yi dɔ nato ongisi na bhosibhosi-e bhú gandja. Engú bini, líli ango-o yie ka Moidje de. A ayie ka onguo ogbi yi. Kaka-a, yi ngaziba nato kpála bhú gandja belegu bhú 'kpí nagueo gba omaYuda . ²³ Yi ngato kpála bhú gandja bhú 'kpí nagueo ngú nakpe me yi agúmɔ líli gba Moidje-e de. Ngama-a, ma akobho kpála-kuti libhomu bhú 'kpí nagueo. Yi la ngake 'ngú liyi mɔma tété ngú ni? ²⁴ Yi akódho 'ngú maka yi ngauu lie de. Engú bini, yi kodho 'ngú ngbingbili!»

Yesu ne Masiya ?

²⁵ Abhomɔ-o, okpála koko na gudhɔ na Yelusalema adu apa me: «A oo kpála inde u ngagili nabhөлө e di? ²⁶ Yi tsitsia nga, ani ngagama 'ngú mbámbá bhú ká okpála. La-a, u

pa 'ngú pi ani belegu de bini! Ongámási gba ní-e ambila bha ndju si ndjindji me Masiya ngae inde-e? ²⁷ Padhá de, anga bili li kpála inde-e ayie li e, ya mbila hana. Engú bini, nedhinga inde li Masiya agó lie, kpála bini mbíla bili inde ani ayie li e de.»

²⁸ Li nedhinga bhomu-o, Yesu adu asuno bhú 'ngbé 'ti Ebhe gba omaYuda. Abhomu-o, ani atsia asula me: «Yi mbila bha ndju ma ndjindji? Yi mbila la di bili inde ma ayie li e hana? Padhá de, anga ngama-a, ma go bhú angu gba ma makpe-e de. Engú bini, kpála inde atima ma-a, a ko kpála na ngbingbili . Kpála ango-o, yi mbila ani de. ²⁹ Ngama-a, ma mbila ani ndjindji. Padhá de, anga ma ayie agba ani. Ani atima la di ma ngae.»

³⁰ Abhomu-o, u adu agili me, o holo ani. La-a, kpála bini bu 'kpa e li kute ani de. Padhá de, anga nedhinga gba ani-e le nga nani-i de. ³¹ La-a, okpála bhelé bhú ká bhiti okpála bhomu-o abhuka ani. U adu apa me: «Nedhinga li Masiya agó lie, ani améne ongamba 'ngú ané obhende li kpála inde-e amene e?»

U atima okpála ngú naholo Yesu

³² Omufalísai adje engú inde li okpála adu apa e bhú tupele li 'ngú gba Yesu-o. Abhomu-o, ongbengbe odimandø di ne omufalísai atima omulila na 'ngbé 'ti Ebhe gba omaYuda ngú naholo ani. ³³ Yesu atsia apa me: «Ma adú nga matá ne yi ngubula nedhinga bedi. Pipita-a, ma tsia tápa agba kpála inde atima ma ko. ³⁴ Yi agíli ma, engú bini, yi ú la ma de. Padhá de, anga yi ti

da nanu li bili inde ma adji li e de.» ³⁵ Abhomu-o, omaYuda atsia ayi lio sunda o me: «Ani anu li bili bhedho inde ni ti da nau ani lie de-e? Ani anu nabhaka omaYuda bhende atsambala bhú ká oGiliki-e? Ani anu asuno pi oGiliki? ³⁶ Oeli inde ani apa e me: <Yi agili ma, engu bini, yi u la ma de, anga yi ti da nanu li bili inde ma adji li e de.> A akunda napa pi?»

Engu na mukobho

³⁷ Ekpí na soso na anokomia-a, a adu ekpí na ngbéngbé. Li 'kpí ango-o, Yesu alu malu, ani asula me: «I du me kpála nde ne gumu 'ngu-o, a ayo me, ani go bhaka ma, amba ani ndji! ³⁸ Kpála bhende ngabhuka ma-a, maka li Bhuku gba Ebhe-e apa lie me: <Engu adú aze li bua ani. Engu ango-o, a ko engu na mukobho.>» ³⁹ (Yesu adu apa 'ngu bhomu-o li Bua gba Ebhe inde li okpála inde abhúka ani asia e-o. Li nedhinga bhomu-o, Bua gba Ebhe-e go nga nani-i de. Padhá de, anga Yesu nde sia nga nani sangu gba e de.)

OmaYuda koko abhuka me Yesu ne Masiya

⁴⁰ Okpála adje oeli inde li Yesu apa e-o. Okpála koko bhú ká uo atsia apa me: «Kpála inde-e bha ndju ne polofeta inde ya ngadjeke e kukulu!» ⁴¹ Okoko atsia apa me: «A ko Masiya!» Engu bini, okpála koko atsia apa matá me: «Masiya ti da nayie bhú ndu doto na Galilaya? ⁴² Padhá de, anga Bhuku gba Ebhe-e apa me, Masiya adú suka okpála na piga gba Davidi. Ani ayie la di bhú Beteleme, kati inde li Davidi abhele bhú e

ko.» ⁴³ Abhomu-o, okpála atsia agbogbo bhusu o li 'ngú gba ani-o. ⁴⁴ Okoko bhú ká uo adu akunda me, o holo ani. Engú bini, kpála bini bu 'kpa e li ani de.

Ongámási gba omaYuda ayala nabhuka Yesu

⁴⁵ Abhomu-o, omulila na 'ngbé 'ti Ebhe gba omaYuda-a agie lio agba ongbengbe odimandø, di ne omuFalisai-o. U atsia ayi omulila-a me: «Yi go ne Yesu de ngubula ni?» ⁴⁶ Omulila-a agie me: «Kpála inde agama 'ngú maka kpála bhomu-o belegu ade bini!» ⁴⁷ Abhomu-o, omuFalisai atsia agie pi uo me: «Ngayi di-e, yi a'o di me ani pite yi? ⁴⁸ Bhú ká ongámási, i du di-e bhú ká omuFalisai-e, kpála bini abhuka ani uu? ⁴⁹ Engú bini, bhiti okpála bhende abhuka ani bhomu-o, u mbila líli gba Moidje de. Ebhe abála uo mabala.»

⁵⁰ Nikodemu-o, a ko saka omuFalisai. Ani anu la di nani kalanu abhaka Yesu-o ngae. Ani apa pi uo me: ⁵¹ «Líli gba ní-e ziba naholo kpála padhá de. A ayo ngaiza me ní dje ani, amba ní mbila la di engú inde ani amene e ko.» ⁵² U agie pi ani me: «Ngamu di-e, mu ne kpála na ndu doto na Galilaya? Tanga nga oBhuku gba Ebhe-e ndjindji. Mu ú de me, polofeta bini ayie bhú ndu doto na Galilaya de.»

[⁵³ Pipita-a, kpála ne kpála atsia agie lie agba e.*

8

Ølø na zabhe

* **7:53** 7:53 Ongú nayie si akólo bhú 8:11, a bhú obhuku koko na didili-e ade.

¹ Abhomu-o, Yesu anu apí 'ta na ondula na Olive. ² Li ekpí aseke lie, bhú sikikpi-e, ani agie lie bhú 'ngbé 'ti Ebhe gba omaYuda. Ndu okpála hana adyudyo lio de ani masakpe. Yesu adu kuto, ani atsia aholo nasuno pi uo. ³ Abhomu-o, omusuno na líli gba Moidje , di ne omuFalisai ago ne elee bini. U akoto li elee ango-o bha li nedhinga u adu akunda lio lie ne bhoko koko. U aha ani, u atsia a'o ani kala ndu okpála hana. ⁴ Do uo pi Yesu me: «Musuno, u akoto li elee inde e bha li nedhinga u adu akunda lio lie ne bhoko koko. ⁵ Moidje aye nani pi ya bhú líli-e me, a ayo nabhili ongua olisi bhomu-o ne teme. Ngamu-o, mo opa naamu tété pi?»

⁶ U adu apa engú bhomu-o ngú na'o ekú ngú ani. Padhá de, anga u adu agili nau engú inde u a'ó e pí ani-o. Engú bini, Yesu akita ne kuto, ani aholo naye 'he kuto bhú doto ne likpa e. ⁷ La-a, u azi bha kekele li nayi ani. Abhomu-o, ani ayie bhúlá, ani atsia apa pi uo me: «A ayo me kpála inde bhú ká yi, i mene nga naae siti 'ngú bini de-e, ani talu ani ne teme na kalanu-o ngae.» ⁸ Pipita-a, Yesu akita matá ne kuto, ani atsia aholo bha naye ehe kuto bhú doto. ⁹ Li u adje oeli bhomu-o lie, ndu uo hana atsia aholo ayie bini ne bini. Akpo nayie ne obhelesi okpála. Yesu atigala bha ngae kpi e kpi. Elee ango-o atsia adu la bhadi li bili inde u a'o ani li e bhomu. ¹⁰ Abhomu-o, Yesu ayie matá bhúlá, ani ayi elee ango-o me: «Okpála ango-o su? Kpála bini kodho 'ngú gba mu-o sisiti di?» ¹¹ Elee ango-o agie me: «Musuno, ma u kpála bini de.» Do Yesu pi ani

me: «Ngama di-e, ma kóðho 'ngú gba mu-o sisiti de. Mu ti da natapa. La-a, nayie pi mbia inde-e, mo oméne matá siti 'ngú belegu de bini.»]

Yesu ne zi 'ke pi okpála na pílá doto

¹² Abhomu-o, Yesu apa matá pi bhiti okpála-a me: «Ngama-a, ma ne zi 'ke pi okpála na pílá doto. Kpála inde ngakpata ma-a, ani dhúku bhú biti de. Engú bini, a adú ka ani ne zi 'ke na mukobho.» ¹³ Abhomu-o, omuFalisai atsia apa pi ani me: «Mu ngakpokpo bhomu-o naamu 'ngú makpe! Engú inde mu ngakpokpo e bhomu-o, tata tété ade!»

¹⁴ Yesu agie pi uo me: «A na paká moko me ma ngakpokpo 'ngú gba ma makpe. La-a, engú inde ma ngakpokpo e, a ko kuku lu 'ngú. Padhá de, anga ma mbila bili inde ma ayie li e, di ne bili inde ma adji li e ndjindji. Engú bini, ngayi-e, yi mbila bili inde ma ayie li e de. Yi mbila la di bili inde ma adji li e de. ¹⁵ Yi ngakodho 'ngú maka okpála. Ngama-a, ma kodho 'ngú gba kpála bini de. ¹⁶ I du la me, ma nde akodho 'ngú-o, nakodho 'ngú gba ma-a dú ngbingbili. Padhá de, anga ma kpi ma kpi ade, engú bini, 'Dyi ma inde atima ma-a, ya ne ani bhú dabili bini.

¹⁷ U aye bhú líli gba yi makpe-e me: «I du me okpála bhisi nde akpokpo 'ngú-o, engú ango-o dú ngbingbili.» ¹⁸ Ma ngakpokpo naama 'ngú makpe. 'Dyi ma inde atima ma-a, ngakpokpo la di engú gba ma ko.»

¹⁹ Abhomu-o, u ayi ani me: «'Dyi mu su?» Yesu agie pi uo me: «Yi mbila ma de. Yi mbila la di 'Dyi ma de. Yi mbila ma uu-o, yi de ambila di

'Dyi ma ambila.» ²⁰ Yesu apa 'ngú bhomu-o li nedhinga ani adu asuno lie bhú 'ngbé 'ti Ebhe gba omaYuda, li bili li osanduku inde u adu a'o tia bhú e adu li e-o. Kpála bini tsia bu nani 'kpa e li ani de, anga nedhinga gba ani-e kolo nga nani-i de.

Yesu akpo 'ngú pindji bili inde ani ayie li e-o

²¹ Abhomu-o, Yesu atsia apa matá pi uo me: «Ma adji. Yi agili ma. La-a, yi amú bhú siti 'ngú gba yi-o. Yi ti da nanu li bili inde ma adji li e de.» ²² OmaYuda atsia ayi lio sunda o me: «Ani abhólo lie ne titi e? Kaka-a, ani apa me bili inde ni adji li e, ní ti da nakolo tété di?» ²³ Yesu agie pi uo me: «Ngayi-e, yi ayie kuto si. Engú la bini, ngama-a, ma ayie abhúlá. Ngayi-e, yi ne okpála na píla doto. Engú la bini, ngama-a, ma ne kpála na píla doto ade. ²⁴ Kaka-a, ma apa igini pi yi me, yi amú bhú siti 'ngú gba yi ko. Padhá de, anga i du me yi nde bhuka de me Ma uu-o* de-e, yi amú bhú siti 'ngú gba yi ko.» ²⁵ Abhomu-o, u ayi ani me: «Ngamu-o, mu ne da?» Yesu agie pi uo me: «A ko bha engú inde ma apa e pi yi, nayie li lilita-o. ²⁶ Ma ne engú bhelé napapa, di ne nakokodho li 'ngú gba yi ko. Engú bini, ma ngapa pi okpála engú inde ma adje e ka kpála inde atima ma ko. Ngaani-e, ani ngapa ngbili 'ngú .»

²⁷ U mbila de me ani ngapa pi o bhomu-o engú gba 'Dyi e de. ²⁸ Abhomu-o, Yesu atsia apa pi uo me: «Nedhinga yi a'é'e ma, Ndili gba kpála lie

* **8:24** 8:24 Ma uu: A bhomu-o 'ili gba Ebhe inde ani asuno e pi Moidje nedhinga ani atima ani lie bhú Edjipeto. Tsia bhú Eki. 3:14.

ne abhúlá-a, yi tsia mbíla me ngama-a, ma uu. Yi mbíla la di me, ma mene ehe bini bhú angu gba ma makpe de. Engú bini, ma ngapa bha bini engú inde li 'Dyi ma asuno e muma ko. ²⁹ Ya ne kpála inde atima ma-a bhú dabili bini. Aní 'o ká ma kpi ma kpi de. Padhá de, anga ma ngamene ndu 'kpí hana engú inde i nganga li aní manga ko.» ³⁰ Abhomu-o, okpála bhelé inde adje Yesu ngapa 'ngú bhomu-o, atsia abhuka aní.

Okpála bhende ne obalise na siti 'ngú

³¹ Abhomu-o, Yesu atsia apa pi omaYuda inde abhuka nani aní-e me: «Í du me yi nde alila eli inde ma ngapa e pi yi-e ndjindji-e, yi dú omukpata gba ma-a na kukulu. ³² Yi mbíla la di ngbili 'ngú. Li ngbili 'ngú-o tsia gbégbe yi bhú bali.»

³³ U agie pi aní me: «Ya ne odi Abalahama. Ya du nga bali pi kpála belegu de bini. Lele pi mu ti da napa lie pi ya me, ya azé bhú bali maze-e?» ³⁴ Yesu agie pi uo me: «A moko, ma apa pi yi na paká me: ndu kpála hana inde ngamene siti 'ngú-o, a ko bali ka siti 'ngú. ³⁵ Bali ngadu bhú piga ndu 'kpí hana ade. Engú bini, ndili na bhobhoko ngadu ndu 'kpí hana bhú piga. ³⁶ Kaka-a, i du me Ndili-e nde agbegbe yi bhú bali-e, yi tsia zé bhú bali kukulu. ³⁷ Ma mbila hana me, yi ne odi Abalahama. Engú la bini, yi ngagili nabholo ma. Padhá de, anga yi ngayala 'li ma. ³⁸ Ngama-a, ma ngakpokpo engú inde li 'Dyi ma asuno e muma ko. La ngayi-e, yi ngamene engú inde li 'dyi yi apa e pi yi ko.»

³⁹ Abhomu-o, u atsia agie pi ani me: «'Dyi ya-a, a ko Abalahama.» Do Yesu pi uo me: «I dú me yi dú ne odi Abalahama-a, yi de méne 'ngú maka Abalahama. ⁴⁰ Engú bini, mbia inde-e, yi ngakunda nabhøø ma, abana ma apa kukulu 'ngú inde ma adje e ka Ebhe lie pi yi-o. Abalahama mene la nani mo-o de. ⁴¹ Engú bini, ngayi-e, yi ngamene bhadi ngua kulu inde li 'dyi yi ngamene e-o.» U atsia agie pi ani me: «Ya ne ongisi na ngongo ade. Koli 'dyi ya bha bini, Ebhe.»

⁴² Yesu apa pi uo me: «Li Ebhe dú bha ndju ne 'Dyi yi-e, yi de akunda ma. Padhá de, anga ma ayie agba Ebhe. Ma la di si bhú ngu ani. Ma go bhú ngu ma de. Engú bini, ani atima ma ngae. ⁴³ Yi mbila engú inde ma ngapa e pi yi-e de ka ni? A ko anga, yi ti da nadje eli inde ma ngapa e pi yi-e de. ⁴⁴ 'Dyi yi ne Djabulu. Yi la di ngamene 'ngú inde li 'dyi yi akunda e-o. A ko bhulu nabhøø kpála nayie li lilita. Ani lu bhú kukulu 'ngú belegu de bini. Padhá de, anga kukulu 'ngú bhú ani ade. Nedhinga inde ani ngapa eu lie, ani ngapa 'ngú gba e makpe. Padhá de, anga a ko kpála na eu. A ko la di 'dyi eu. ⁴⁵ Engú bini, ngama-a, ma ngapa kukulu 'ngú. Yi ngabhuka ma ade kaka. ⁴⁶ A ko kpála bhedho bhú ká yi-e, i ti da nasuno siti 'ngú inde ma amene e? I du me ma nde ngapa kukulu 'ngú-o, ka ni yi bhuka la ma lie de-e? ⁴⁷ Kpála gba Ebhe-e ngadje 'li Ebhe. Engú bini, yi ne okpála gba Ebhe ade. Kaka-a, yi ngadjedje ade.»

Yesu akpo 'ngú pindji Abalahama

⁴⁸ OmaYuda agie pi Yesu me: «Ya apa kukulɔ 'ngú de me mɛ ne kpála na Samalia, a la di bhú mɛ ne siti bua?» ⁴⁹ Yesu agie pi uo me: «Siti bua bhú ma ade. Engú bini, ma ngadhögö 'Dyi ma. La-a, ngayi-e, yi ngayala nadhögö ma. ⁵⁰ Ngama-a, ma gili de me okpála dhögö ma-a de. 'Dyi ma ngagigili mɛma ngae. Ani la di ngakodho 'ngú-o ngae. ⁵¹ A moko, ma apa pi yi na paká me: kpála inde alila eli inde ma ngapa e, ani kpí dɔdɔma de.»

⁵² OmaYuda atsia apa pi ani me: «Mbia inde-e, ya ambila la kukulɔ me abhú mɛ ne siti bua! Abalahama akpi. Opolofeta di amu. La ngamɔ-o, mɛ ngapa me: <Kpála inde ngalila eli inde ma ngapa e, ani kpí dɔdɔma de.> ⁵³ 'Dyi ya Abalahama akpi. Mɛ ngabhundja me ni ngbéngbé ane ani? Opolofeta di amu. Mɛ la ngau nga naamɔ limɔ me ni ne da?»

⁵⁴ Yesu agie pi uo me: «I dɔ me, ma dɔ adhögö lima ngama makpe-e, nadhögö gba ma-a de padhá. 'Dyi ma ngadhögö ma ngae, a ko kpála inde yi nga'i e me: <A ko Ebhe gba ya-o> ⁵⁵ me yi nde mbila la ani de ko. Engú bini ngama-a, ma mbila ani hana. I dú me ma pá me ma mbila ani de-e, ma de ne kpála na eu maka yi. Engú bini, ma mbila ani hana. Ma la di ngalila eli inde ani ngapa e-o. ⁵⁶ 'Dyi yi Abalahama akpi nani djali naali. Padhá de, anga ani adɔ abhundja me ni aú ekpí nago gba ma-o. Ani au, ani atsia akpi djali.» ⁵⁷ Abhomɔ-o, omaYuda atsia apa pi ani me: «Ngamɔ-o, mɛ kolo nga ne kalanga ndjikpa bhuluvue de. Mɛ

la ngapa me, ni au Abalahama!» ⁵⁸ Yesu agie pi uo me: «A moko, ma apa pi yi na paká me kala me u zu Abalahama, <Ma uu.>» ⁵⁹ Abhomu-o, u abha teme ngubula natutulú ani ne di. Engú bini, Yesu awo lie, ani atsia akoto bhú 'ngbé 'ti Ebhe gba omaYuda-o.

9

Yesu akobho kpála inde u azu e me ani nde u 'kpí de

¹ Li Yesu adu akodho 'kpí lie li kpadji-e, ani au kpála bini inde u azu e me ani nde u 'kpí de. ² Omukpata gba ani ayi ani me: «Musuno, u azu kpála inde-e me ani nde u 'kpí de ka ni? A ko ka siti 'ngú gba ani makpe, ne me a ko ka siti 'ngú gba okpála inde azu ani?»

³ Yesu agie me: «A ko ka siti 'ngú gba ani-e de. A ko la di ka siti 'ngú gba okpála inde azu ani-e de. Engú bini, u azu ani mo-o ngubula me okpála u ngamba 'ngú inde li Ebhe ngamene e bhú ani. ⁴ A ayo me ní mene kulu gba kpála inde atima ma-a nedhinga li ekpí nde nga lie ne ngbikpi-o. Padhá de, anga biti ngago, kpála bini ti da namene kulu de. ⁵ Nedhinga ma nde nga lie píla doto-o, ma ne zi 'ke pi okpála na píla doto.» ⁶ Pita ani apa lie mo-o, ani aku ngusu bhú doto. Ani akpødhøø doto ne di. Ani aha ngbødhe angoo, apulu pí kó djila kpála inde i u 'kpí de ko. ⁷ Abhomu-o, Yesu atsia apa pi ani me: «Nu vulu bhúla mu bhú 'dú 'ngu navulu kute na

Siloe.* » ('Ili bhomu-o akunda napa me «U atima ani.») Ani anu, ani atsia avulu bhula e. Ani agie lie me ani nde ngau 'kpi ndjindji!

⁸ Okpala bhende asili kuti lingo ani, di ne obhende au ani kalanu me ani nde ne yoyo 'he-e, a adu ayi me: «A inde-e kpala adu nako adu kuto ngu nayo 'he-e di?» ⁹ Okoko adu apa me: «A ko ani.» Do okpala koko me: «A ko ani de. Engu bini, ani mana ani.» La-a, kpala ango-o adu apa me: «A ko bha-a ma.» ¹⁰ Abhomu-o, u ayi ani me: «Djila mu abhulu lie lele pi?» ¹¹ Ani atsia agie me: «Kpala inde u a'i e me Yesu-o, amene ngbedhe, ani apulu pi ko djila ma. Ani atsia apa mama me: «Nu vulu bhula mu bhula Siloe.» Ma anu oo. Pita ma avulu lima lie, ma aholo nau 'kpi!» ¹² U ayi ani me: «Kpala ango-o su?» Ani agie me: «Ma mbila de.»

Omufalaisai ayiyi kpala inde li djila e akobho-o

¹³ Abhomu-o, u ago ne kpala inde adu kalanu me ani nde u 'kpi de-e pi omufalaisai . ¹⁴ Yesu amene nani ngbedhe, ani atsia abhulu djila ani ne di me a nde la ekpi naguo gba omaYuda . ¹⁵ Abhomu-o, omufalaisai ayi di ani me djila ani aholo au 'kpi lele pi. Ani agie pi uo me: «Ani apulu ko djila ma ne ngbedhe. Ma avulu lima, ma atsia aholo au 'kpi.» ¹⁶ Omufalaisai koko atsia adu apa me: «Kpala amene engu inde-e, ani yie agba Ebhe de. Padha de, anga ani ngalila lili na ekpi naguo ade.» Engu bini, okoko atsia adu apa naao me: «Kpala na sisiti ti da namene ngua

* **9:7** 9:7 'Dú 'ngu navulu kute na Siloe nani abhu aga na Yelusalema.

ongamba 'ngú me-e lele pi?» U atsia agbogbo bh_usu o.†

¹⁷ Abhomu-o, omuFalisai ayi matá kpála inde li djila e abhulu-o me: «A la mu-o, mo opa naamu li 'ngú gba kpála inde abhulu djila mu-o pi?» Aní agie me: «A ko polofeta .»

¹⁸ Engú bini, ongámási gba omaYuda kunda nani nabhuka de me, aní adu me aní nde u 'kpí de, aní atsia aholo au 'kpí-e de. Kaka-a, u atsia a'i okpála inde azu aní-o. ¹⁹ U ayi uo me: «Kpála inde-e, a ko ndili gba yi na paká? A na paká me yi azu aní me aní nde u 'kpí di? Aní la ngau 'kpí mbia inde-e lele pi?» ²⁰ Okpála inde azu aní-e agie me: «Ya ambila me a ko ndili gba ya. Ya azu aní me aní nde u 'kpí de. ²¹ Engú la bini, maka aní ngau 'kpí lie mbia inde-e, ya mbila naaya de. Ya mbila la di de me abhulu djila aní da-ie de. Yi yi aní, aní abhele, aní ti da nakpokpo 'ngú gba e ngae makpe!» ²² Okpála inde azu aní-e apa nani mo-o, anga u adu akpe omaYuda. Padhá de, anga omaYuda adje nani lio me, i du me kpála nde aziba me Yesu ne Masiya , u de gbe aní bhú 'ti nadjé líli gba Moidje-e magbe. ²³ Kaka-a, okpála inde azu aní-e apa nani me: «Aní abhele, aní ti da nakpokpo 'ngú gba e ngae makpe. Yi yi aní!»

²⁴ Abhomu-o, omuFalisai a'i matá kpála inde adu nako me aní nde u 'kpí de-o. U atsia apa pi aní me: «Dhөгө Ebhe bhú napa kukulu 'ngú. Ya ambila me kpála inde akobho mu bhomu-o, a ko

† **9:16** 9:16 Si-e, omuFalisai au me li Yesu akobho kpála lie bhú 'kpí naguo, aní amene bhomu-o kulu. La-a, líli gba Moidje ziba nani namene kulu bhú 'kpí naguo de.

siti kpála.» ²⁵ Kpála ango-o atsia agie me: «I dũ siti kpála, i dũ siti kpála de, ma mbila naama de. La-a, ma ambila koli 'ngú bini: ma dũ nako au 'kpí de, engú bini, mbia inde-e, ma ngau 'kpí.»

²⁶ Abhomu-o, u ayi matá ani me: «Ani amene ngú mu pi? Ani abhulu djila mu lele pi?» ²⁷ Ani agie pi uo me: «Ma apa igini pi yi apa. Engú bini, yi dje ma de. Yi akunda matá nadjedje ne toto-o? Atigala yi ngakunda me yi kolo di omukpata gba ani.» ²⁸ U asosobho ani. U atsia apa pi ani me: «Mu mangbo ne mukpata gba kpála bhomu-o ngamu! Ngaya-a, ya naaya ne omukpata gba Moidje . ²⁹ Ya ambila me Ebhe akpokpo 'ngú pi Moidje. Engú bini, ngaani-e, ya mbila de me ani ayie naae su-oie de!»

³⁰ Kpála ango-o agie pi uo me: «A ko 'ngú na ngangamba. Yi mbila bili inde ani ayie li e de. La-a, ani abhulu djila ma! ³¹ Ní mbila hana me Ebhe djedje okpála na sisiti de. Engú bini, ani djedje ndũ kpála hana inde ngamanga ani, inde di ngamene engú ani akunda e-o. ³² Nani akpo lie, kpála bini dje nga de me u ngapa me kpála bini abhulu djila kpála inde u azu e me ani nde u 'kpí de-e de. ³³ I dũ me kpála inde-e yie agba Ebhe de-e, ani de tí da namene 'he bini de.» ³⁴ Abhomu-o, u agie pi ani me: «Ngamu-o, 'lá mu libhomu bhú siti 'ngú nayie maka nani u azu mu lie. Mu la ngakunda nasuno 'ngú pi ya?» U atsia agbe ani bhú 'ti nadge líli-e kilidjo.

Okpála i u 'kpí kukulu de

³⁵ Yesu adje me omɔFalisai agbe kpála inde li djila e akobho-o kilidjo. Yesu anɔ abhaka ani, ani atsia ayi ani me: «Mo obhuka Ndili gba kpála-a abhuka?» ³⁶ Ani agie pi ani me: «Mɔsuno, kpála ango-o, a ko da, amba ma bhuka ani-e?» ³⁷ Yesu agie pi ani me: «Mo ou ani au. Ani ngagama 'ngú ne mɔ mbia inde-e ngae.» ³⁸ Do kpála ango-o me: «Ngámá, ma abhuka.» Ani atsia atutu lipaku e kuto kala Yesu.

³⁹ Abhomɔ-o, Yesu atsia apa pi ani me: «Ma ago píla doto ngú nakodho 'ngú. Ma ago ngubula me okpála bhende i u 'kpí de-e, u u 'kpí, amba okpála bhende ngau 'kpí-e, 'o nau 'kpí.»

⁴⁰ OmɔFalisai inde adɔ de ani oo, adje oeli bhomɔ-o. U atsia ayi ani me: «Ngaya di-e, ya u 'kpí di?» ⁴¹ Yesu agie pi uo me: «Yi dú ne okpála bhende i u 'kpí de-e, yi de bhú siti 'ngú ade. Engú bini, maka yi apa lie me: <Ya ngau 'kpí-e>, yi nga bha ne okpála na sisiti.»

10

Yesu ne mɔlila na babadha gba okandɔlɔ

¹ Yesu apa me: «A moko, ma apa pi yi na paká me: kpála inde i li bhú aga gba okandɔlɔ li bhɔbhɔ-o de-e, engú bini, inde nga'ɔ li pabu aga li pápá koko-o, kpála ango-o ne bhulu 'zi. Ani la di ne bhulu nagbulu 'he gba okpála ne kpéke. ² Kpála inde ali la naae li bhɔbhɔ-o, a ko mɔlila gba okandɔlɔ-o. ³ Mɔlila na 'bhɔ aga-a nga'ɔ'ɔ pi ani. Okandɔlɔ-o ngadje la di 'li ani. Ani nga'i okandɔlɔ gba e bini ne bini li 'li e. Ani la di ngapandja uo kilidjo. ⁴ Li ani apandja uo hana

lie kilidjo-o, aní kó kala uo, u tsia holo nakpata aní. Padhá de, anga u mbíla 'li aní hana. ⁵ Engú bini, kpála bhende u mbíla e de-e, u kpáta aní de. U kpé de aní tsutsu. Padhá de, anga u mbíla 'li aní de.»

⁶ Yesu akpokpo gbitaku bhomɔ-o pí okpála inde adu adje aní-o. La-a, u mbíla nani ta engú inde aní adu apa e pí uo-o de.

⁷ Abhomɔ-o, Yesu atsia apa matá me: «A moko, ma apa pí yi na paká me: ma ne 'bhø aga gba okandø-o. ⁸ Ndɔ okpála hana inde ago mɔma kalanɔ-o, a ko obhulɔ 'zi. A ko la di obhulɔ nagbulɔ 'he gba okpála ne kpéke. Engú bini, okandø-o dje uo de. ⁹ Ngama-a, ma ne 'bhø bhoti. Kpála inde alí li pá bíli gba ma-a, aní kóbho. Aní tí da nali, aní kóto, aní tsia sía di ehe nazɔ mazɔ. ¹⁰ Bhulɔ 'zi ago bha naae ngubula nazi 'he. Aní ago ngubula nabhøbhølø mabhølø. Aní ago ngubula nasisiti masiti. La ngama-a, ma ago ngubula me okandøø sia mukobho, u sia mukobho ango-o bhelé.

¹¹ Ma ne bádha mulila gba okandøø. Mulila na babadha gba okandøø-o bedhe ngú naha mukobho gba e pí okandøø gba e-o. ¹² Kpála inde ngamene kulu bha bini ngubula tia-a, a ko kukulɔ mulila gba okandøø-o de. A ko okandøø ka aní de. Li aní u me sia ngago-o, aní há holo, aní 'ó ká uo. Abhomɔ-o, li sia-a tí pí uo, aní tsia tsám-bala uo. ¹³ Padhá de, anga aní ngamene bha naae kulu ngubula tia. Aní la di ne ndjinga uo ade. ¹⁴⁻¹⁵ Ngama-a, ma ne mulila na babadha gba okandøø. Maka li 'Dyi ma ambíla ma lie,

ma atsia ambila di ani-e, ma ambila okandələ gba ma-o, okandələ gba ma-a atsia ambila di ma. Ma la di bedhe ngú naha mukobho gba ma-a pi okandələ gba ma-o. ¹⁶ A ka ma ne okandələ koko inde bhú aga inde-e ade. A ayo me ma go di ne uo. U adjé 'li ma. U akólo koli piga okandələ bini, u tsia dú ne koli málila bini.

¹⁷ 'Dyi ma ngakunda ma, anga ma bedhe ngú naha mukobho gba ma-a, amba pipita-a, ma sia matá. ¹⁸ Kpála bini ha mukobho gba ma-a ne kpéke de. Engú bini, ma ngahaha bha ngama. Ma ne angu ngú nahaha, ma la di ne angu ngú nasisia. Ma asia líli bhomu-o ka 'Dyi ma.»

¹⁹ OmaYuda atsia agbogbo matá bhusu o ka oeli bhomu-o. ²⁰ Bhelé bhú ká uo adu apa me: «A abhú ani ne siti bua ! A ko la di bhulu pele! Yi ngadje ani ka ni?» ²¹ Okoko adu apa me: «Kpála inde bhú e ne siti bua-a ti da napa 'ngú mo-o de. Siti bua ti da nabhulu djila okpála inde i u 'kpí de-e uu?»

OmaYuda ayala Yesu

²² Abhomu-o, bhú gudhu na Yelusalema-a, bhú nedhinga na zini-e, u amene anokomia Naleke 'ngbé 'ti Ebhe gba omaYuda-o . ²³ Bhú 'ngbé 'ti Ebhe-e , Yesu adu aduku sa ngba 'ti gba Salomo-o. ²⁴ Abhomu-o, omaYuda asa lio deno ani ngbalina. U atsia apa pi ani me: «Bua ya adú bha ka mu me a nde alu abhúlá má gba me-e ngubula ekpí madho? I du me mu nde ne Masiya-a , mu de pa pi ya mbámhá.» ²⁵ Yesu agie pi uo me: «Ma apa pi yi apa. Engú bini, yi ziba ma de. Ongamba 'ngú inde ma ngamene e ne 'li

'Dyi ma-a, a ngakpokpo 'ngú gba ma-o. ²⁶ Engú bini, yi bhuka de anga yi ne okandøle gba ma-a ade. ²⁷ Okandøle gba ma-a ngadje 'li ma. Ma ambila uo, u la di ngakpata ma. ²⁸ Ma ngaha mukobho na duduma pi uo. U mú duduma de. Kpála bini tí la di da nagbulu uo ka ma de. ²⁹ 'Dyi ma inde aha uo muma-a, ani ngbéngbé ane ndu 'ngú hana. Kpála bini tí la di da nagbulu 'he bini ka 'Dyi ma de. ³⁰ Ngaya ne 'Dyi ma-a, koli ya bha bini.»

³¹ Abhomu-o, omaYuda abha matá teme ngú natutulú ani ne di. ³² Yesu agie pi uo me: «Obabadha 'ngú bhelé inde ma asuno e pi yi-e, ayie ka 'Dyi ma. A ko ngubula obabadha 'ngú bhedho yi ngakunda nabhøle ma lie ne teme?»

³³ OmaYuda agie pi ani me: «A ko de me ya ngakunda nabhøle mu ne teme ka bádha 'ngú-o de. Engú bini, a ko anga mu ngasobho Ebhe. Ngamu inde bha ne kpála-kuti-e, mu nga'o limu maka Ebhe.»

³⁴ Yesu agie pi uo me: «U aye bhú líli gba yi-e me, ngama-a, ma apa me: <Yi ne oebhe.†> ³⁵ Ya ambila me, u ti da nabulu engú inde li Bhuku gba Ebhe-e apa e de. Okpála inde li eli gba Ebhe-e akolo nani gba o-o, u a'i uo me oebhe. ³⁶ Engú bini ngama-a, Ebhe abhu ma, ani atsia atima ma píla doto. Lele pi yi ngapa la lie me ma ngasobho Ebhe, anga ma ngapa me ma ne Ndili gba Ebhe-e? ³⁷ I du me ma nde ngamene ngamba 'ngú gba 'Dyi ma ade-e, yi abhúka ma de. ³⁸ I du la me ma nde ngamene ngamba 'ngú gba 'Dyi ma-

† 10:34 10:34 Tsia bhú Ets. 82:6.

a, abana yi bhuka ma de-e, yi de bhuka ngabha mbo ongamba 'ngú ang-o. Yi bhuka ongamba 'ngú ang-o ngubula nambila ndjindji me 'Dyi ma ngakobho bhú ma, ma la di ngakobho bhú ani.» ³⁹ Abhomu-o, u agili matá naholo ani. Engú bini, ani atsia akobho sa 'kpa uo.

⁴⁰ Yesu atsia agie matá lie ayi 'ngu na Djuludani, li bili inde li Djaa adu nani abatisa okpála li e kalanu-o. Ani atsia adu oo. ⁴¹ Okpála bhelé ago nabhaka ani. U adu apa me: «Djaa mene ngamba 'ngú belegu de bini. Engú bini, ndu 'ngú hana inde ani apa nani e pindji kpála inde-e, a ko kukulu 'ngú.» ⁴² Oo, okpála bhelé abhuka ani.

11

Ladjalo akpi

¹ Kpála bini inde adu 'li e me Ladjalo, asi kuo. Ani adu nadu bhú Betania, kuti li Malia ne ndai e Malata adu nadu bhú e-o. ² Malia ne ølø inde atuko nani mungotsi li 'dhu Ngámá, ani atsia akuo ne sundjo e-o. Ladjalo inde adu ne kuo-o, nani ne ndai ani. ³ Ondaise ani na olisilisi bhisi bhomu-o, atima kpála ngú napa pi Yesu me: «Ngámá, ali kpála mo okukunda e ne kuo.» ⁴ Li Yesu adje engú bhomu-o lie, ani atsia apa me: «Kuo bhomu-o ngubula nabhele ani mabhele ade. Engú bini, a ngubula naha sangu pi Ebhe. A ko la di ngubula me ngama, Ndili gba Ebhe-e, ma sia sangu bhúbhú.»

⁵ Yesu adu ne mukunda pi Malata, ne ndai e na ølø, di ne Ladjalo naali. ⁶ La-a, ani adje lie me

ali Ladjalo ne kuo-o, ani amene matá 'kpí bhisi li bili abhaka me ani nde li e-o. ⁷ Pipita-a, ani apa pi omukpata gba e me: «Ní gie matá liní bhú ndu doto na Yudaya.» ⁸ Omukpata-a apa pi ani me: «Musunu, a mene nga 'kpí bhelé de, omaYuda adu nako agili nabhele ma ne teme oo. Mo odji matá bha oo?» ⁹ Yesu agie pi uo me: «Ngbikpi ne saa ndjikpa ne ká bhisi. A mo-o adi? I du me kpála nde ngadhuku ne ngbikpi-e, ani dó 'dhu e de. Padhá de, anga ani ngau zi 'kpí na doto inde-e ndjindji. ¹⁰ Engú bini, i du la me kpála nde ngadhuku sukpe-e, ani dó 'dhu e. Padhá de, anga ani li zi 'kpí ade.»

¹¹ Pita li Yesu apa 'ngú bhomu-o lie, ani atsia apa pi uo me: «Ladjalo, olia ní-e, ani ala. Engú bini, ma adji, amba ma zuku ani.» ¹² Abhomu-o, omukpata gba ani-e atsia apa pi ani me: «Ngámá, i du me ani nde tila-a, ani dú bhú mukobho.» ¹³ A na paká me Yesu adu apa me Ladjalo akpi. Engú bini, omukpata-a adu abhundja naao me ani akpo 'ngú pindji ela inde li okpála alala e-o. ¹⁴ Abhomu-o, Yesu atsia apa pi uo mbámbá me: «Ladjalo akpi. ¹⁵ Ma ne djali pi yi anga ma du nako oo de, amba yi bhuka ma. Engú bini, ní nu nabhaka ani!» ¹⁶ Abhomu-o, Tuma (inde u agisila 'li e me Bhuko-o), apa pi omukpata koko me: «Nganí-e, ní nu di oo, ngubula me ní mu ne Musunu bhú dabili bini.»

Malata anu nako lie ne Yesu

¹⁷ Li Yesu akolo lie, ani abhaka me u azi Ladjalo azi, a nde ane nga 'kpí badha. ¹⁸ Kutí na Betania du nani de gudhu na Yelusalema masikpe de

kilometele bata, ¹⁹ A abhaka me omaYuda bhelé nde ago oo ngú nateteke Malata ne Malia ka li ndai uo na bhobhoko-o akpi lie ko.

²⁰ Li Malata adje lie me Yesu akolo de kuti masakpe-e, ani anu akø lie ne ani li kpadji. Engú bini, Malia adu naae akuti. ²¹ Abhomu-o, Malata atsia apa pi Yesu me: «Ngámá, mu dú nako si-e, ndai ma de kpi de. ²² Engú bini, ma ambila me belegu mbia inde-e, Ebhe ti da naha ndu 'he hana inde mo oyó e ka ani-e pi mu.» ²³ Yesu apa pi ani me: «Ndai mu azúku mazuku.» ²⁴ Malata agie pi ani me: «Ma ambila me ani azúku li 'kpí li okpála inde amu-o, azúku lie li sokpí-o.»

²⁵ Yesu apa pi ani me: «Kpála nazuku okpála-a, a ko ma. Kpála naha la di mukobho pi okpála-a, a ko ma. Kpála inde abhuka ma-a, abana ani kpi, ani kóbho. ²⁶ La di-e, kpála ne kpála inde bhú mukobho, inde abhuka la di ma-a, ani kpí duduma de. Mo obhuka mo-o?» ²⁷ Malata agie me: «A moko, Ngámá, ma abhuka me mu ne Masiya , Ndili gba Ebhe. Kpála inde a ayo me ani go píla doto ko.»

Malia anu di nakø lie ne Yesu

²⁸ Pita ani apa 'ngú bhomu-o lie, Malata anu a'i ndai e Malia. Do ani pi ani bhú tupele me: «Musuno aoo. Ani nga'i mu.» ²⁹ Li Malia adje lie mo-o, ani ayie kolo bhúlá má kia! Ani atsia anu abhaka Yesu. ³⁰ A adu me Yesu nde kolo nga bhú kuti na Betania de. Engú bini, ani adu ngabha li bili inde li Malata anu akø lie ne ani li e ko. ³¹ Li omaYuda inde adu abhú 'ti ngú nateteke Malia au lie me ani ayie bhúlá ne nakoto kilidjo bhú

holo-o, u atsia akpata ani. Padhá de, anga u adu abhundja naao me ani adji aku 'gba apí lata.

³² Malia akolo li bili li Yesu adu li e-o. Ani au Yesu lie, ani ati bhú li 'dhu ani. Ani atsia apa pi ani me: «Ngámá, mu dú nako si-e, ndai ma de kpi de.» ³³ Yesu au me ani ngaku 'gba di ne okpála inde ago ne ani bhú dabili bini-o. Ani asia likabhu naali li bua e. Mabhundja gba ani-e atsia angbingi di. ³⁴ Abhomu-o, ani atsia ayi uo me: «Yi azi ani su?» U agie pi ani me: «Ngámá, gogo, amba mu u.» ³⁵ Yesu aku 'gba. ³⁶ Abhomu-o, omaYuda atsia apa me: «Yi u maka ani akunda nako ani lie ko!» ³⁷ Engú bini, okpála koko bhú ká uo atsia apa me: «Ngaani inde abhulu nako djila kpála inde i u kpí de-e, ani ti da nako namene de me Ladjalo akpí de-e di?»

Yesu azuku Ladjalo

³⁸ Abhomu-o, Yesu asia matá likabhu naali li bua e. Ani anu abhú lata. A adu nani lata inde u adji e bhú teme. U ani nani bhøbhø ne teme na ngbéngbé. ³⁹ Abhomu-o, Yesu atsia apa me: «Yi 'e teme-o.» Malata, ndai kpála inde akpi-e, apa pi ani me: «Ngámá, se ani aholo napu aholo. Padhá de, anga ani amene nga satø 'kpí badha.» ⁴⁰ Yesu agie pi ani me: «Ma pa igini pi mu de me, i du me mu nde abhuka ma-a, mu ú sangu gba Ebhe-e di?» ⁴¹ Abhomu-o, u a'e teme-o. Yesu atsia 'kpí ne bhúlá, ani atsia apa me: «'Dyi ma, ma ngagie heni pi mu, anga mo odje ma. ⁴² Ma ambila ndjindji me mu ngadje ma ndu 'kpí hana. Ma ngapapa mo-o ka okpála

inde asa lio denngo ma inde, amba u bhuka me, mo otime ma ngamu.» ⁴³ Aní apa 'ngú bhomu-o lie, aní asula kpekpeke me: «Ladjalo, koto ei!» ⁴⁴ Ladjalo akoto. Aní akoto me 'dhu aní, di ne 'kpa aní nde agbigbite lie ne opapala bongo . Bhúla aní nde agbite la di lie ne bongo. Yesu atsia apa pi uo me: «Yi bhulu aní, amba yi 'o aní, aní tapa.»

Ongámási gba omaYuda adje lio ngú nabhelo
Yesu

(Tsia bhú Mat. 26:1-5; ne bhú Mlk. 14:1-2; di ne bhú Luk. 22:1-2.)

⁴⁵ Abhomu-o, omaYuda bhelé bhú ká okpála inde ago gba Malia au engú inde li Yesu amene e-o. U atsia abhuka Yesu. ⁴⁶ Engú bini, okoko bhú ká uo anu abhaka omuFalisai . U akpokpo 'ngú inde li Yesu amene e pi uo. ⁴⁷ Abhomu-o, ong-bengbe odimandø gba Ebhe , di ne omuFalisai apo bhúla o bhú 'ngbé bula. U atsia apa me: «Kpála inde-e ngamene ongamba 'ngú bhelé. Ní améne si pi? ⁴⁸ I du me ní nde a'o me aní du bha anu ne di ne kalanu me-e, ndu okpála hana bhúka aní. Pipita-a, okpála na gudhu na Loma kólo ne angu. U bhéle 'ngbé 'ti Ebhe gba ní-o. U tsia bhéle la di kuti gba ní-o!»

⁴⁹ Kpála bini adu bhú ká uo. A adu 'li aní me Kaifa. Aní adu bhele kpála gba odimandø bhú kalanga bhomu-o ngae. Aní apa pi uo me: «Ngayi-e, yi mbila 'ngú de! ⁵⁰ Yi mbila de me a pi yi ndjindji me kpála bini kpi pi ndu okpála hana, amba kuti libhomu akpí de-e di?» ⁵¹ La-a, aní du apa 'ngú bhomu-o bhú ngu e de. Engú bini, a adu

la lie me ani nde ne bhele kpála gba odimandø bhú kalanga bhomu-o ngae-e, ani atsia apa 'ngú maka polofeta me: «A ayo me Yesu kpi ngubula kuti gba omaYuda-o. ⁵² Ani kpi bha bini ngubula omaYuda de. Engú bini, ani kpi ngubula me ni po bhúla ongisi gba Ebhe inde atsambala ne bili ngangá-a bhú piga bini.»

⁵³ Nayie li 'kpí bhomu-o, ongámási gba omaYuda atsia adje lio me o bhøle Yesu. ⁵⁴ Kaka-a, Yesu dæ matá adholo mbámbá bhú ká omaYuda de. Ani atapa bhú gædhæ na Efalaimæ, bhú ndu doto inde de egæ-o. Abhomu-o, ani atsia adu ne omukpata gba e oo.

⁵⁵ Pasika gba omaYuda akolo masakpe. Kaka-a, okpála bhelé na kuti ango-o atsia anu bhú gædhæ na Yelusalema ngubula me o vulu lio, amba o dæ pi Ebhe bubu kala anokomia-o . ⁵⁶ Abhomu-o, u adu agili Yesu. U alulu bhú 'ngbé 'ti Ebhe gba omaYuda-o. U atsia adu ayi lio sunda o me: «Yi abhundja pi? Ani agó bha ndju bhú anokomia inde-e mago? Ne me, ani gó-o de?» ⁵⁷ Ongbengbe odimandø gba Ebhe, di ne omuFalisai aha nani líli me: «I dæ me kpála nde ambila bili inde li Yesu nde lie-e, ani de pa, amba u nu holo ani.»

12

Malia atuko mængotsi li 'dhæ Yesu

(Tsia bhú Mat. 26:6-13; di ne bhú Mlk. 14:3-9.)

¹ Abhomu-o, ekpí madhia kala Pasika-a, Yesu anu bhú kuti na Betania. A bhomu-o bili inde li Ladjalo, kpála inde li Yesu azuku e adu nadu li e-o. ² Oo, u aha ezæ pi ani, Malata atsia adu a'o'o

kala ani. Ladjalo atsia adu di bhú ká okpála inde adu azu 'he bhú dabili bini ne Yesu-o. ³ Abhomu-o, Malia aha gili bini inde li mungotsi na mase naali adu bhú e-o. U amene nani mungotsi angoo bha li ndula inde 'li e me nalade.* Ani aha, ani atuko li 'dhu Yesu. Ani akuo 'dhu ani ne sundjo e. Bádha se mungotsi angoo atsia aha eti-e libhomu.

⁴ Engú bini, Yuda Isikaliote, suka omukpata gba Yesu, kpála inde apú ani pi obhulu yalaa, atsia apa me: ⁵ «A ayo igini de me u tsindji mungotsi inde-e li lí denalio kámá bata, amba u ha falanga angoo pi obhulu ndibhili-e di?» ⁶ Laa, a ko de me ani apa mo-o, anga ani adu ne ndjinga obhulu ndibhili-e de. Engú bini, a ko anga ani adu bhulu 'zi. Padhá de, anga ani adu la alila gba tia lie ngae-e, ani adu azi tété. ⁷ Engú bini, Yesu atsia apa me: «'O olo bhomu! Padhá de, anga engú inde ani amene e, a ngubula ekpí inde u azí ma lie bhú lata ko. ⁸ Padhá de, anga yi adú bhú dabili bini ne obhulu ndibhili ndu 'kpí hana. Engú la bini, ngama-a, ní dú ne yi ndu 'kpí hana de.»

Ongbengbe odimandø adje lio ngú nabhøø Ladjalo

⁹ Abhomu-o, bhiti omaYuda adje me Yesu abhú kuti na Betania, u atsia anu oo. U nu oo bha bini ngubula Yesu de, engú bini, u anu di me o u Ladjalo inde li Yesu azuku e-o. ¹⁰ Abhomu-o, ongbengbe odimandø gba Ebhe-e atsia adje

* **12:3** 12:3 Nalade: A ko mungotsi inde u amene e li 'kpá ulu. Tsia bhú Mat. 26:7.

lio me o bhøle di Ladjalo. ¹¹ Padhá de, anga omaYuda bhelé adu a'o ká uo, u atsia adu abhuka Yesu ka engú gba Ladjalo-o.

Yesu ali bhú gúdhú na Yelusalema

(Tsia bhú Mat. 21:1-11; ne bhú Mlk. 11:1-11; di ne bhú Luk. 19:28-40.)

¹² Ekpí bhe pipita-a, bhiti okpála na bhibhiti inde ago bhú anokomia na Pasika adje me Yesu adji bhú gúdhú na Yelusalema. ¹³ Abhomu-o, u abha 'kpá ngulu, u aze ngú nanu nakø lio ne ani. U atsia adu asusula me:

«Sangu pí Ebhe!

A ayo me Ebhe Ngámá tuko bisagu pí kpála inde ngago ne 'li ani-o!

A ayo me Ebhe tuko bisagu pí 'ngbé Ngámá gba omafsalaele-o!†»

¹⁴ Yesu au ndili punda, ani atsia a'u pí 'ngbu ani maka li Bhuku apa lie me:

¹⁵ «Gúdhú na Siona , mo odjé tsulu de!

Tsitsia, 'ngbé Ngámá gba mu-o ngago,

ani adu pí 'ngbu ndili punda na øøle.†»

¹⁶ Li nedhinga bhomu-o, omukpata gba ani-e mbila nga nani ta engú angoo de. La li nedhinga inde li Yesu asia sangu gba e lie, u atsia abhundja me u aye nani ongú bhomu-o bhú Bhuku gba Ebhe-e pindji ani. U atsia amene pí ani.

¹⁷ Abhomu-o, bhiti okpála inde adu nani bhú dabili bini ne ani li nedhinga inde ani a'i Ladjalo lie me ani koto bhú lata-a, ani atsia azuku di ani-e, adu akpokpo 'ngú inde u au e-o. ¹⁸ Kaka-a,

† **12:13** 12:13 Tsia bhú Ets. 118:25-26. † **12:15** 12:15 Tsia bhú Djkl. 9:9.

bhiti okpála ang-o abhaka ani. Padhá de, anga u adje nani me ani amene ngamba 'ngú bhomu-o. ¹⁹ Abhomu-o, omuFalisai atsia apa sunda o me: «Yi au, ní ti da namene 'he bini de. Ndu okpála hana agbida nganda ani!»

OGiliki koko agili Yesu

²⁰ OGiliki koko adu bhú ká okpála inde ago bhú gudhu na Yelusalema ngú nadhogo Ebhe bhú anokomia-o. ²¹ U adyudyo lio de Filipo, kpála na gudhu na Betesaida, bhú ndu doto na Galilaya. U atsia apa pi ani me: «Musuno, ya akunda nau Yesu.» ²² Filipo anu apa pi Andili. Pipita-a, ndu uo bhisi hana atsia anu apa pi Yesu. ²³ Yesu agie pi uo me: «Mbia inde-e, a ko nedhinga inde a ayo lie me Ndili gba kpála sia sangu gba e-o. ²⁴ A moko, ma apa pi yi na paká me: i du me lí ngano bini nde ati bhú doto, i kpi de-e, i tígala bha ngae kpi e kpi. Engú bini, i du la me a nde akpi-e, i lí lílí bhelé. ²⁵ Kpála inde akunda mukobho gba e, ani kpi. Engú bini, li kpála bini kunda Ebhe ane mukobho gba e píla doto inde-e, mukobho ang-o líla lie, li kpála ang-o tsia sía di mukobho na duduma. ²⁶ I du me kpála nde akunda namene kulu lie muma-a, a ayo me kpála ang-o kpata ma. La di-e, bili inde ma adú li e, kpála na kulu gba ma-a adú bhadi oo. 'Dyi ma adhogo kpála inde ngamene kulu muma ko.»

Yesu akpo 'ngú pindji nakpi ka e

²⁷ «Mbia inde-e, bua ma ngadje likabhu. Ma apá la pi? Ma pá de me, <'Dyi ma, kobho ma li nedhinga inde-e de.> Padhá de, anga ma ago

ngubula nedhinga ango-o. ²⁸ 'Dyi ma-e, dhøgø 'li mæ!» Abhomu-o eli ayie abhúlá, atsia apa me: «Ma adhøgø ani adhøgø. Ma adhégø la matá ani madhøgø.» ²⁹ Abhomu-o, bhiti okpála inde adu oo, inde adje la di eli ango-o, adu apa me: «Mugbálá asula bhomu-o ngæ!» Okoko atsia adu apa me: «Andjelu bini agama 'ngú pi ani ngæ.»

³⁰ La-a, Yesu apa pi uo me: «Eli bhomu-o pa lie ka 'ngú ka ma de. Engú bini, a apa lie ka 'ngú ka yi. ³¹ Mbia inde-e, u akódho 'ngú gba okpála na píla doto. Mbia inde-e, u ató holo bhú 'dhu ngámá na doto inde. ³² La ngama-a, li nedhinga inde u a'é'e ma lie abhúlá-a, ma agbéle ndu okpála hana li pápá gba ma.» ³³ Yesu adu apa 'ngú bhomu-o ngú nasuno lele maka ani akpí lie-o.

³⁴ Abhomu-o, bhiti okpála-a atsia agie pi ani me: «Ya adje bhú bhuku na líli me Masiya adú duduma ne duduma. Lele pi mu ngapa lie me u a'é'e Ndili gba kpála abhúlá? Ndili gba kpála ango-o ne da?» ³⁵ Abhomu-o, Yesu atsia agie pi uo me: «Zi 'ke nga matá bhú ká yi ngubula nedhinga bedi. Yi dhuku bhú nedhinga inde yi nde nga lie ne zi 'ke, ngú nakpe me biti ahólo yi bhú gbilikiti de. Padhá de, anga kpála inde ngadhuku bhú biti-e mbila bili inde ani adji li e de. ³⁶ Nedhinga yi nde lie ne zi 'ke-e, yi bhuka zi 'ke ango-o, amba yi kolo ongisi na zi 'ke.» Pita li Yesu apa engú bhomu-o lie, ani atapa, ani atsia anu awo lie de uo tsutsu.

OmaYuda bhuka Yesu de

37 Abana li Yesu amene ongamba 'ngú lie bhelé-e, omaYuda dɔ abhuka ani de. 38 U dɔ abhuka ani de ngɔbula napa me engú inde li polofeta Isaya apa e-e, a mene lie, engú inde me: «Ngámá, abhuka engú inde ya adɔ apa e da?

Ngámá apana angu gba e pi da?†»

39 Isaya apa di nani me, ka ni li okpála bhomu-o ti nani da nabhuka lie de-e. Ani apa me:

40 «Ebhe agbite djila uo.

Ani adji bua uo maka teme,

ngɔbula me u aú 'kpí de,

ngɔbula me u ambíla 'ngú bini de,

di me u adjí bua o de,

amba Ebhe akóbho uo de.†»

41 Isaya apa engú bhomu-o, anga ani au nani sangu gba Yesu-o. Ani atsia akpokpo di 'ngú pindji ani. 42 La-a, belegu bhú ká ongámási gba omaYuda-a, bhelé abhuka Yesu. Engú bini,

ka nakpe omɔFalisai-e, u dɔ apa engú ango-o mbámhá de. Padhá de, anga u adɔ akpe me, u apándja o bhú 'ti nadjé líli gba Moidje de. 43 U adɔ akunda me okpála dhөгө o ane me Ebhe dhөгө o ngae.

Kpála inde abhúka 'li Yesu-o, ani kóbho

44 Yesu asula me: «Kpála inde abhuka ma-a, ani bhuka bhomu-o ma de. Engú bini, ani abhuka kpála inde atima ma ko. 45 Kpála inde ngau ma-a, ani ngau bhomu-o kpála inde atima ma-o. 46 Ngama-a, ma ago píla doto maka zi 'ke,

ngubula me ndɔ okpála hana inde abhuka ma-a,

† 12:38 12:38 Tsia bhú Isa. 53:1. † 12:40 12:40 Tsia bhú Isa. 6:10.

adú bhú bití de. ⁴⁷ I dú me kpála nde adje 'li ma-a, aní lila de-e, ma kódhó 'ngú gba aní-e ngama de. Padhá de, anga ma go ngubula na'o 'ngú pí okpála de. Engú bini, ma ago ngú nakobho uo. ⁴⁸ Kpála inde ayala ma-a, inde i ziba di 'li ma de-e, u akódhó 'ngú gba aní-o. Eli inde ma apa e, eli ango-o akódhó 'ngú gba aní lí sokpí-e ngae. ⁴⁹ Padhá de, anga ma pa 'ngú gba ma makpe de. 'Dyi ma inde atima ma-a, aha lílí muma ngae makpe ngubula ndu 'ngú hana inde a ayo me ma pa e, di ne bhende a ayo me ma kpokpo e-o. ⁵⁰ Padhá de, anga ma ambila me lílí gba aní-e ngaha mukobho na duduma. Kaka-a, ndu 'ngú hana inde ma ngapa e, ma ngapapa maka lí 'Dyi ma apa muma lie ko.»

13

Yesu avulú 'dhú omukpata gba e

¹ A adu nani ekpí kala anokomia na Pasika . Yesu ambila nani me nedhinga nayie ka ni píla doto inde-e, ngú nanu agba 'Dyi ni-e akolo. Aní adu akunda okpála gba e inde píla doto-o. Aní akunda uo akolo alí soso.

² Yesu ne omukpata gba e adu azu 'he tagolo. A adu me Djabulu nde a'o lí bua Yuda, ndili gba Simo Isikaliote, me aní pu Yesu pí obhulu yala.

³ Yesu ambila nani ndjindji me ngani makpe-e, ni ayie agba Ebhe. Aní atsia ambila la bhadi ndjindji me ni agie lini agba Ebhe, la di me 'Dyi ni a'o ndu 'ngú hana sa 'kpa ni. ⁴ Aní ayie bhulá, aní ayie lí bili nazu 'he-o. Aní agbe bongo inde u adyidiyi e pí bongo koko-o. Aní aha pála

bongo, ani agbite ludu e. ⁵ Pipita-a, ani aha engu, ani atuko bhú base. Ani aholo navulú 'dhú omakpata gba e ne di. Ani atsia adú akukuo ne bongo inde ani agbite e ludu e-o.

⁶ Ani akolo li Simo Piele. Do Piele pi ani me: «Ngámá, mo ovúlú bha ndju 'dhú ma ngamú makpe?» ⁷ Yesu atsia agie pi ani me: «Engú inde ma ngamene e mbia inde-e, mú mbila de. Engú bini, mo ombíla sidi.» ⁸ Piele apa pi ani me: «A mo-o ade. Mú vúlú 'dhú ma belegú de bini!» Yesu atsia agie pi ani me: «Í dú me ma nde vúlú 'dhú mú de-e, mú tí da nadú bhú dabili bini ne ma de.» ⁹ Simo Piele apa pi ani me: «Ngámá, mo ovúlú bha bini 'dhú ma de. Engú bini, vúlú di 'kpa ma, ne 'ndji ma!» ¹⁰ Yesu apa pi ani me: «Kpála inde avúlú kute e avúlú-o, kute ani libhomu akolo ndjindji. Ani tí matá da navulú kute e de. Engú bini, ani vúlú bha ibili 'dhú e. Ngayi-e, yi bubu. La-a, yi bubu ndú yi hana ade.» ¹¹ Yesu apa 'ngú bhomu-o anga ani adú ambila ndjindji me, apú ní pi obhulú yala da-ie. Kaka-a, ani atsia apa me: «Yi ndú yi hana bubu ade.»

¹² Pita ani avúlú 'dhú uo lie, ani aha bongo gba e, ani adyi. Ani agie lie li bili nazú 'he-o. Ani atsia apa pi uo me: «Yi mbila ta 'ngú inde ma amene e li yi-e uu?» ¹³ Yi nga'i ma me: «Musunu», yi la di nga'i ma me: «Ngámá.» A ko kukulú 'ngú, anga ma mo-o. ¹⁴ Í dú me ngama, inde ne Ngámá, inde la di ne Musunu-o, ma nde avúlú 'dhú yi-e, ngayi di-e, yi de vúlú 'dhú yi sùnda yi moko. ¹⁵ Ma asuno pi yi bhomu-o me amba ngayi di-e, yi mene maka ma amene pi yi

lie ko. ¹⁶ A moko, ma apa pi yi na paká me, kpála na kulu ngbéngbé ane ngámá gba e ade. La di-e, bhulú titima ngbéngbé ane kpála inde atima ani-e ade. ¹⁷ Mbia inde-e, yi ambila ndu ongú bhomu-o hana ambila. A ko djali pi yi, i du me yi nde ngamene ongú ango-o.

¹⁸ Engú inde ma ngapa e, a pi ndu yi hana ade. Ma mbila okpála inde ma abhu o-o hana. Engú bini, a ayo me engú inde u aye e bhú Bhuku gba Ebhe-e, a mene lie, engú inde me: <Kpála inde ya adu azu 'he ne e bhú dabili bini-e, adji lie bhulú yala gba ma.†> ¹⁹ Ma apa pi yi mbia inde-e kala nakolo ka ongú ango-o, amba li engú ango-o akólo lie, yi bhuka me ngama-a <Ma uu.> ²⁰ A moko, ma apa pi yi na paká me: i du me kpála nde asia kpála inde ma atima e, amba ani asia bhomu-o ma. I du la di me kpála nde asia ma-a, amba ani asia bhomu-o kpála inde atima ma-o.»

Yesu apa me Yuda apú ni pi obhulú yala gba ni-o

(Tsia bhú Mat. 26:20-25; ne bhú Mlk. 14:17-21; di ne bhú Luk. 22:21-23.)

²¹ Pita li Yesu apa ongú bhomu-o lie, ani asia likabhu li bua e naali. Ani atsia apa mbámbá me: «A moko, ma apa pi yi na paká me: saka yi bini apú ma pi obhulú yala gba ma-o.» ²² Omukpata-a aholo natsitsia bhúla o. U du ambila de me Yesu ngapa inde-e engú gba da-ie de. ²³ Li nedhinga u adu azu 'he lie, saka omukpata gba Yesu inde li Yesu adu akunda e naali-e, aseke 'ndji e pí mbulu ani. ²⁴ Abhomu-o, Simo Piele amene 'kpa e pi

† 13:18 13:18 Tsia bhú Ets. 41:10.

mukpata ango-o me, aní yi Yesu me aní ngapa engú gba da. ²⁵ Abhomu-o, mukpata ango-o adji bhúla e li pápá gba Yesu. Aní atsia ayi Yesu me: «Ngámá, a ko e da?»

²⁶ Yesu agie pi ani me: «Ma ngatunu mapa bhú 'mu 'zu-o, kpála inde ma ahá pi e-e, a ko aní.» Abhomu-o, Yesu aha mapa, aní atunu bhú 'mu 'zu-o. Pipita-a, aní atsia aha pi Yuda, ndili gba Simo Isikaliote. ²⁷ Bha li nedhinga li Yuda aha mapa-a lie, Satana ali bhú aní. Yesu atsia apa pi ani me: «Engú inde mu nde ne e, mene má gala!» ²⁸ Kpála bini bhú ká okpála inde u adu azu 'he ne o-o mbila de me aní apa pi Yuda mo-o ka ni-ie de. ²⁹ Li Yuda adu alila tia lie ngae, kaka-a, okpála koko adu abhundja naao me, aní apa pi Yuda me aní kala ezu inde a ayo me u kala e ngú anokomia-o, ne me aní ha mbo ehe pi obhulu ndibhili. ³⁰ Li Yuda aha ndu mapa lie, kolo má gala me-e, aní akoto kilidjo. A adu me ekpí nde abi.

Líli na mbia

³¹ Pita li Yuda akoto lie, Yesu atsia apa me: «Mbia inde-e, Ndili gba kpála, asia sangu gba e asia. Ebhe asia la di sangu ka aní. ³² Maka li Ebhe asia sangu ka aní lie, Ebhe asúno ngae makpe sangu gba aní-o. Aní asúno má gala! ³³ Odi ma, ní dú matá ne yi ngubula 'kpí bhelé de. Pipita-a, yi aglí ma. Engú la bini, ma ngapa pi yi mbia inde-e engú inde ma apa e pi omaYuda koko me, yi ti da nanu li bili inde ma adji li e de. ³⁴ Ma ngaha pi yi-e líli na mbia. Líli inde me yi du ne mukunda sunda yi. A ayo me yi du ne mukunda

sunda yi maka ma nde lie ne mukunda pi yi ko.
³⁵ Padhá de, anga i da me yi nde ne mukunda
 sunda yi-e, li ndu okpála hana mbíla me yi ne
 omukpata gba ma-o.»

³⁶ Simo Piele ayi ani me: «Ngámá, mo odji su?»
 Yesu agie pi ani me: «Mɔ ti da nakpata ma li bili
 ma adji li e mbia inde-e de. Engú bini, mo okpáta
 ma sidi.» ³⁷ Piele apa pi ani me: «Ngámá, ma ti
 da nakpata mɔ mbia inde-e de ka ni? Ma bedhe
 ngú nandala 'kpa li mukobho gba ma-a ngubula
 mɔ!» ³⁸ Yesu agie pi ani me: «Mɔ bha ndjɔ bedhe
 ngú nandala 'kpa li mukobho gba mɔ-o ngubula
 ma? A moko, ma apa pi mɔ na paká me, kala me
 engu ku 'gbá-a, mo opá bhatsibhatsi bata me ni
 mbila ma de.»

14

Yesu ne kpadji ngú nanɔ agba Ebhe

¹ Yesu apa pi omukpata gba e me: «Yi a'ó bua
 yi abhúlá de. Yi bhuka Ebhe, yi bhuka di ma.
² Abhú 'tí gba 'Dyi ma-a, dabili nadu tété-e bhelé.
 Ma adji naleke dabili pi yi. I dú mo-o de-e, ma de
 apa pi yi apa. ³ Pita nanɔ ka ma naleke dabili pi
 yi-e, ma agó matá, ma atsia há yi ngú nadu bhú
 dabili bini ne yi, amba bili inde ma ngadu li e, yi
 du bhadi tété. ⁴ Yi mbila la di kpadji na bili inde
 ma adji li e hana.»

⁵ Tuma apa pi ani me: «Ngámá, ya mbila bili
 mo odji li e de. Ya ti da nambila kpadji-e lele
 pi?» ⁶ Yesu agie pi ani me: «Ma ne kpadji. Ma ne
 kukulu 'ngú. Ma la di ne mukobho. Kpála bini ti
 da nanɔ agba 'Dyi ma li kpadji koko de, bha bini

me aní nde apu lí pápá gba ma. ⁷ Í dũ me yi nde ambíla ma-a, yi mbíla di 'Dyi ma. Nayie pí mbíla inde-e, yi mbíla aní hana. Yi au la di aní au.»

⁸ Filipo apa pí aní me: «Ngámá, pana 'Dyi mũ pí ya, amba ale pí ya.» ⁹ Yesu agie pí aní me: «Filipo, enú ní abhue lie ne yi ngengele-e, mũ mbíla nga ma sii di? Kpála inde au ma-a, aní au 'Dyi ma au. La ka ní mũ ngapa lie me: <Pana 'Dyi mũ pí ya?> ¹⁰ Mũ bhuka de me ma ngadu bhú 'Dyi ma, 'Dyi ma la di ngadu bhú ma-a di? Oeli inde ma ngapa e pí yi-e, ayie ka ma makpe de. Engú bini, 'Dyi ma inde ngadu bhú ma-a, aní ngamene kulu gba e-o. ¹¹ Yi bhuka ma, maka ma apa lie pí yi me ma ngadu bhú 'Dyi ma, 'Dyi ma la di ngadu bhú ma-o. Í dũ mo-o de-e, yi de bhuka ka kulu inde ma ngamene e-o. ¹² A moko, ma apa pí yi na paká me: kpála inde abhuka ma-a, aní améne bhadi okulu inde ma ngamene e-o. Aní améne belegu okulu na ngbengbengbe ane bhende-e mane. Padhá de, anga ma adji agba 'Dyi ma. ¹³ Ma améne ndũ 'ngú hana inde yi ayó e ne 'lí ma-a mamene, ngubula me 'Dyi ma sia sangu gba e bhú ma, Ndíli gba e ko. ¹⁴ Í dũ me yi nde ayo 'he ka ma ne 'lí ma-a, ma améne.

Ebhe atíma Bu Bhobua pí obhulu titima gba Yesu

¹⁵ Í dũ me yi nde akunda ma-a, yi líla olíli gba ma-o. ¹⁶ Ma ayó ka 'Dyi ma me aní ha kpála koko ngú nateteke yi. Aní adú ne yi dudu ma ne dudu ma. ¹⁷ A ko Bua na kukulũ 'ngú inde lí okpála na píla doto tí da nasia e de. Padhá de, anga u u aní de. U mbíla la di aní de. Engú bini,

ngayi-e, yi mbila ani hana, anga ani ngadu bhú ká yi. Ani la di ngadu bhú yi. ¹⁸ Ma 'ó ká yi kpi yi kpi maka otsulosi de. Engú bini, ma agié matá lima agba yi magie. ¹⁹ Atigala nedhinga bedi, okpála na pílá doto ú matá ma de. Engú bini, ngayi-e, yi aú ma, anga ma bhú mukobho. Ngayi di-e, yi adú bhú mukobho. ²⁰ Li 'kpí ang-o, yi ambíla me ma ngadu bhú 'Dyi ma, yi ngadu bhú ma, ma la di ngadu bhú yi. ²¹ Kpála inde akúnda ma-a, a ko kpála inde ngalila, di ne namene olíli gba ma-o. 'Dyi ma akúnda kpála inde akúnda ma-o. Li ma kúnda di ani. Ma tsia pána lima pi ani.»

²² Abhomu-o, Yuda (a ko Yuda Isikaliote de) apa pi Yesu me: «Ngámá, mo opána bha bini limu pi ya, lele pi mu tsia pána limu pi okpála na pílá doto lie de-e?» ²³ Yesu agie pi ani me: «Í du me kpála nde akúnda ma-a, ani méne engú inde ma ngapa e-o. Li 'Dyi ma kúnda ani. Ngaya ne 'Dyi ma-a, ya agó agba ani, ya tsia dúlu oo ko. ²⁴ Kpála inde i kúnda ma de-e, ani méne oeli ma ngapa e de. Engú inde yi ngadje ma ngapa e, a ngayie ka ma ade. Engú bini, a ngayie ka 'Dyi ma inde atima ma ko.

²⁵ Ma apa ongú bhomu-o pi yi li nedhinga inde ní nde ngabha lie ne yi bhú dabilí bini-o. ²⁶ 'Dyi ma atíma Bu Bhobua pi yi ne 'li ma. Ani atéteke yi ngae. Bu Bhobua ang-o asúno ndu 'ngú hana pi yi ngae. Ani tsia méne di me yi bhundja ndu 'ngú hana inde ma apa e pi yi ko. ²⁷ Ma a'o pi yi guo 'ngú. Ma aha guo 'ngú gba ma-a pi yi. Ma ha pi yi maka li okpála na pílá doto ngahaha lie de.

Kaka-a, yi a'ó bua yi abhúlá de. Yi adjé la di tsulú de. ²⁸ Yi adje maka ma apa lie pi yi me: «Ma adjí, engú bini, ma agíe matá lima agba yi magie.» Í dú me yi kúnda ma uu-o, yi de kpí djali kabula me ma adjí agba 'Dyi ma. Padhá de, anga 'Dyi ma ngbéngbé ane ma. ²⁹ Ma apa pi yi mbia inde-e kala me ongú ango-o kolo, amba i kolo-o, yi de bhuka. ³⁰ Ma gáma matá 'ngú ne yi ngengele de, anga ngámá na píla doto inde-e ngago. Aní ne angu pi ma belegu ade bini. ³¹ Engú bini, a ayo me okpála na píla doto mbila me ma kúnda 'Dyi ma. U mbila la di me ma ngamene olíli inde aní aha e muma-o. Yi yie bhúlá! Ní yie sí yiyie.»

15

Yesu ne ndula na vino na kukulú

¹ «Ma ne ndula na vino na kukulú. 'Dyi ma la ne kpála inde ngaleleke-o. ² Aní nga'e ndu yáyá hana inde aké li ma inde i li lílí de ko. Engú bini, aní ngaleke obhende ngali lílí-o, amba a li matá lílí bhelé. ³ Eli inde ma apa e pi yi-e, avulú yi avulú. ⁴ Yi dú bhú ma, maka ma nde lie bhú yi ko. Padhá de, anga yá ndula ngae kpi e kpi tí da nali lílí de, i dú me a nde li kúte 'lá e ade ko. A bhadi moko, yi tí da nali lílí de, i dú me yi nde bhú ma ade ko.

⁵ Ma ne ndula na vino. Yi ne oyáyá-o. Kpála inde ngadu bhú ma, ma nde la di ngadu bhú e-e, aní lí lílí bhelé. Padhá de, anga i dú me yi nde bhú dabili bini ne ma ade-e, yi tí da namene 'he bini de. ⁶ Kpála inde bhú ma ade-e, u abhíke aní akilidjo maka u abhibhike yá ndula lie-o. Yá

ndula-a 'úlu, u há, u bhíke bhú djua, i tsí. ⁷ I dú me yi nde bhú ma-a, 'li ma nde la di bhú yi-e, yi yo ehe inde yi akunda e, amba yi sia. ⁸ I dú me yi nde ali lílí bhelé-e, yi suno di me yi ne omukpata gba ma-a, li 'Dyi ma tsia sía sangu. ⁹ Maka li 'Dyi ma akunda ma lie, ma akunda bhadi yi moko. Yi dú bhú mukunda gba ma-o. ¹⁰ I dú me yi nde alila olíli gba ma-a, yi dú bhú mukunda gba ma-o, maka ma alila olíli gba 'Dyi ma lie, ma ngadú bhú mukunda gba ani-o.

¹¹ Ma apa engú bhomu-o pí yi, ngábula me djali gba ma-a dú bhú yi, amba djali gba yi-e dú libhому. ¹² Líli gba ma-a ngae inde: yi kunda liyi sánda yi maka ma akunda yi lie ko. ¹³ Mukunda na ngbéngbé inde li kpála tí da nasuno e, a ko naha mukobho gba e pí oolia e. ¹⁴ Yi ne oolia ma, i dú me yi nde amene líli gba ma-o. ¹⁵ Ma nga'i matá yi me okpála na kulu ade. Padhá de, anga kpála na kulu mbíla ehe inde li ngámá gba ani-e ngamene e de. Ma nga'i yi me oolia ma. Padhá de, anga ma asuno ndú 'ngú hana inde ma asia e ka 'Dyi ma-a pí yi asuno. ¹⁶ Yi bhú ma ngayi de. Engú bini, ma abhú yi ngama. Ma atima yi me yi nú zu nguwa inde i tí da nabhue mabhue, amba ndú 'he hana inde yi ayó e ka 'Dyi ma ne 'li ma-a, ani de ha pí yi. ¹⁷ La-a, líli ma aha e pí yi-e ngae inde, yi kunda liyi sánda yi.»

Yesu apa me okpála na doto ayála ní ne omaha ní

¹⁸ «I dú me okpála na doto nde ngayala yi-e, yi mbíla ndjindji me u ayala ngaiza ma pí yi kalanu.

¹⁹ I dú me, yi dú ne okpála na doto-o, okpála

na doto de ngakunda yi. Padhá de, anga yi bhú ngu doto. Engú bini, ma abhu yi, ma atsia a'e yi bhú ká okpála na doto. Kaka-a, okpála na doto ngayala yi. ²⁰ Yi bhundja engú inde ma apa e pi yi-e me: <Kpála na kulu ngbéngbé ane ngámá gba e ade.†> Maka nani u ato mbolo li ma lie, u ató bhadi mbolo li yi moko. I dú me u djé 'li ma uu-o, u de adjé bhadi 'li yi moko.

²¹ Engú bini, u améne ndu 'ngú bhomu-o hana li yi kabula ma. Padhá de, anga u mbila kpála inde atima ma-a de. ²² I dú me ma gó de-e, i dú la di me ma kpókpo pi uo de-e, a de okpála namene siti 'ngú ade. Engú bini, mbia inde-e, u mbú li siti 'ngú inde u amene e de. ²³ Kpála inde ayala ma-a, ani ayala di 'Dyi ma. ²⁴ Ma amene bhú ká uo ongamba 'ngú , inde li kpála bini mene nga e de. I dú me ma méne mo-o de-e, a de okpála namene siti 'ngú ade. Engú bini, u au ongamba 'ngú gba ma-o, u ayala ma, u atsia yala di 'Dyi ma. ²⁵ Engú bini, engú bhomu-o akolo ngubula me, eli inde u aye e bhú líli gba uo-o, amene lie, eli inde me: <U ayala ma padhá, tata tété ade.†>

²⁶ Ma atíma pi yi kpála inde a ayo me ani teteke yi-o. Kpála angó-o ayie agba 'Dyi ma. A ko Bua na kukulu 'ngú inde ayie agba 'Dyi ma-o. Nedhinga ani agó lie, ani akpókpo 'ngú gba ma-a ngae. ²⁷ Ngayi di-e, yi akpókpo 'ngú gba ma-o. Padhá de, anga ní adu ne yi nayie li lilita.»

† **15:20** 15:20 Tsia bhú Mat. 10:24; ne bhú Luk. 6:40; di ne bhú Dja. 13:16. † **15:25** 15:25 Tsia bhú Ets. 35:19, 69:5.

16

¹ «Ma apa 'ngú bhomu-o pí yi, amba yi a'ó de me nabhuka gba yi-e kpi-e de. ² U apándja yi bhú oti nadjé líli gba Moidje . La di-e, ekpí akólo makolo, lí okpála inde abhíli yi-e adú abhundja lie me o ngamene lío bhomu-o kulu pí Ebhe. ³ U améne mo-o, anga u mbíla 'Dyi ma de, u mbíla la di ma de. ⁴ Kaka-a, ma apa 'ngú ang-o pí yi kalanu, amba lí engú ang-o akólo lie, yi de bhundja me ma apa engú ang-o pí yi apa.»

Bua na kúkúlu 'ngú agó mago

«Ma pa nga nani engú ang-o pí yi nayie lí lilita de, anga ní adu nga nani ne yi bhú dabilí bini. ⁵ Mbia inde-e, ma adjí agba kpála inde atima ma ko. La-a, kpála bini bhú ká yi yi ma de me: <Mo odji su?> ⁶ Engú bini, bua yi abedhe ne babuma, anga ma apa pí yi moko. ⁷ Ma apa la pí yi na paká me, pí yi-e, a ndjindji me ma nu. Padhá de, anga i du me ma nde nu de-e, kpála inde atéteke yi-e gó-o de. Engú bini, i du me ma nde anu-o, ma tsia tíma ani pí yi. ⁸ Nedhinga ani agó lie, ani asúno pí okpála na doto me u ngapite lío pindji osisiti 'ngú inde u ngamene e-o. U di ngapite lío pindji ngbílí 'ngú, di ne pindji nakodho 'ngú gba Ebhe-o. ⁹ U ngapite lío pindji osisiti 'ngú inde u ngamene e, anga u bhuka ma de. ¹⁰ U ngapite lío pindji ngbílí 'ngú, anga ma adjí agba 'Dyi ma. La di-e, u ú matá ma de. ¹¹ U ngapite lío pindji nakodho 'ngú, anga u akodho 'ngú gba ngámá na doto inde-e akodho.

¹² Ma matá ne engú bhelé napapa pí yi. Engú bini, yi tí da nakikibila mbia inde-e de.

¹³ Nedhinga li Bua na kukulu 'ngú-o agó lie, ani asúno pi yi ndu okukulu 'ngú hana. Ani pá 'ngú gba e makpe-e de. Engú bini, ani apá ndu 'ngú hana inde ani adjé e-o. Ani tsia pá di ndu 'ngú hana inde akólo-o pi yi. ¹⁴ Ani adhége ma. Padhá de, anga ndu 'ngú hana inde ani apá e pi yi-e, ani asía ka ma. ¹⁵ Ndu 'he gba 'Dyi ma-a hana, a ko di naama 'he. Kaka-a, ma apa me ndu 'ngú hana inde li Bua apá e pi yi-e, ayíe ka ma.»

Yesu apa me babuma adjí lie djali

¹⁶ «Pita nedhinga bedi, yi ú matá ma de. La matá pita nedhinga bedi-e, yi ú ma.»

¹⁷ Omakpata koko gba ani-e apa sunda o me: «Ani apa pi ní me: <Pita nedhinga bedi, yi ú matá ma de. La matá pita nedhinga bedi-e, yi ú ma.> Ani apa matá di me: <Ma adjí agba 'Dyi ma.> Engú bhomu-o akunda napa pi?» ¹⁸ U adu apa matá me: «Engú inde ani ngapa e me: <Nedhinga bedi>, a akunda napa pi? Ní mbila engú inde ani ngapa e de.»

¹⁹ Yesu ambila me, u ngakunda nayi ni. Abhomu-o, ani atsia apa pi uo me: «Yi ngagili sunda yi ta 'ngú inde me: <Pita nedhinga bedi, yi ú matá ma de. La matá pita nedhinga bedi-e, yi ú ma.>

²⁰ A moko, ma apa pi yi na paká me yi akú 'gbá, yi tsia lópolo di liyi. La-a, okpála na doto adú naao akpi djali. Yi adú ne babuma engú bini, likabhu gba yi-e adjí lie djali. ²¹ Nedhinga li ele ngazu lie, ani dú adje likabhu naali. Padhá de, anga nedhinga na likabhu pi ani akolo. Engú bini, nedhinga inde ani azu lie, ani 'íli 'to e 'to

likabhu ang-o hana ka djali. Padhá de, anga u azu kpála-kuti píla doto. ²² Ngayi di-e, mbia inde-e, yi bhú likabhu. Engú bini, ma aú matá yi mau. Yi tsia kpí djali li bua yi. La di-e, kpála bini 'é djali ang-o bhú yi de.

²³ Li ekpí ang-o akólo lie, yi yí matá ma li 'ngú belegu de bini. A moko, ma apa pi yi na paká me ndu 'he hana inde yi ayó e ka 'Dyi ma ne 'li ma-a, ani ahá pi yi maha. ²⁴ Nakolo pi mbia inde-e, yi yo nga 'he ne 'li ma belegu de bini. Yi yoyo, amba yi sia, ngubula me djali gba yi-e du bedhe.»

Yesu aha angu doto

²⁵ «Engú bini, ma apa 'ngú bhomu-o pi yi bhú ogbitaku. Nedhinga inde ngago-o, ma pá matá 'ngú pi yi mo-o belegu de bini. La-a, nedhinga ang-o, ma akpókpo ongú gba 'Dyi ma-a pi yi mbámhá. ²⁶ Li 'kpí ang-o, yi ayó 'he ka 'Dyi ma ne 'li ma. Ma pa la di pi yi de me, ma ayó 'Dyi ma Ebhe pi yi-e de. ²⁷ Padhá de, anga 'Dyi ma, ngae makpe akunda yi. Ani akunda yi, anga yi akunda ma. La di-e, anga yi abhuka me ma ayie agba Ebhe. ²⁸ Ma ayie agba 'Dyi ma. Ma atsia ago píla doto. Mbia inde-e, ma nga'o ká doto, ma tsia gíe lima agba 'Dyi ma.»

²⁹ Abhomu-o, omukpata gba ani-e atsia apa pi ani me: «Tsia nga mbia inde-e, mu ngapa 'ngú mbámhá. Mu matá ngapapa bhú ogbitaku ade. ³⁰ Mbia inde-e, ya ambila me, mu ngambila ndu 'ngú hana. A padhá me u yi mu li 'ngú. Kaka-a, ya ngabhuka me mo oyie agba Ebhe.» ³¹ Yesu atsia agie pi uo me: «Yi abhuka la mbia inde-e

abhuka? ³² Yi tsitsia nga. Nedhinga ngago, mbia inde-e, nedhinga ango-o akolo, nedhinga inde yi andjám-bala lie má m̄e! Kpá-la ne kpá-la atá-pa li kpadji gba e. Yi tsia 'ó la di ká ma kpi ma kpi. Engú bini, ma la kpi ma kpi ade, anga 'Dyi ma bhú dabilí bini ne ma. ³³ Ma apa 'ngú bhom̄ pi yi, amba yi sia guo 'ngú bhú ma. Yi asía likabhu pí-la doto. Engú bini, yi adjé tsulú de! Padhá de, anga ma aha angu doto aha.»

17

Yesu ayo Ebhe ngú e makpe

¹ Pita li Yesu apa ongú bhom̄-o lie, ani atsia 'kpí ne bhúlá, ani atsia apa me: «'Dyi ma, nedhinga akolo. Ha sangu m̄ma, ngama Ndili gba m̄-o, amba ngama, Ndili gba m̄-o, ma ha di sangu pi m̄. ² Padhá de, anga mo oha angu m̄ma pí 'ndji nd̄ okpá-la hana, amba ma ha mukobho na d̄d̄ma pi nd̄ okpá-la hana inde mo oha o m̄ma-o. ³ La-a, mukobho na d̄d̄ma-a, a ko me u mbila m̄, ngam̄ koli Ebhe inde na k̄k̄l̄-o. A ko me u mbila la di Yesu Kilisito , kpá-la inde mo oti-ma e-o. ⁴ Ma aha sangu pi m̄ pí-la doto. Ma andjia kulu inde mo oha e m̄ma me ma mene e andjia. ⁵ La mbia inde-e, 'Dyi ma, ha sangu m̄ma de m̄, sangu inde ma ad̄ nani ne e agba m̄ kala me u bho doto ko.»

Yesu ayo Ebhe ngúbula om̄kpata gba e

⁶ «Ma asuno 'li m̄ pi okpá-la inde mo 'e o bhú ká okpá-la na doto, mo otsia aha o m̄ma-o. A ko nani okpá-la ka m̄, mo otsia aha uo m̄ma. U

atsia alila la di 'li mụ. ⁷ Mbia inde-e, u ambila me ndu 'he inde mo oha e mụma hana, ayie ka mụ. ⁸ Padhá de, anga oeli inde mo okpokpo e mụma-a, ma akpokpo pi uo. U asia oeli ango-o. U ambila na paká me ma ayie agba mụ. U atsia abhuka di me mo otima ma ngamụ.

⁹ Ma ngayo mụ ngubula uo. Ma ngayo mụ ngubula okpála na doto ade. Engú bini, ma ngayo ngubula obhende mo oha o mụma ko. Padhá de, anga a ko okpála ka mụ. ¹⁰ Ndu 'he inde ka ma-a hana, a ko naamụ. Ndu 'he inde la di ka mụ-o hana, a ko naama. La di-e, ma atsia asia sangu ka uo. ¹¹ Ma matá ne kpála na doto ade. Engú bini, ngauo-o, a ko okpála na doto. Ngama-a, ma adjị agba mụ. 'Dyi ma inde bubu, lila uo ne 'li mụ inde mo oha e mụma-o, amba u du bini maka nganí ne mụ, ní nde lie bini-o. ¹² Nedhinga ya adu lie ne uo-o, ma alila uo ne 'li mụ inde mo oha e mụma ko. Ma alila uo ndjindji, kpála bini bhú ká uo ngita de. Angita bha bini ne kpála inde a ayo me anị ngita-o ngubula me engú inde u aye e bhú Bhuku-o, a amene lie.

¹³ La mbia inde-e, ma adjị agba mụ. Ma ngapa mo-o li nedhinga inde ma nde nga lie pıla doto, amba u sia djali gba ma-a bhú o makpe, u bedhe la di ne di bedhe. ¹⁴ Ma aha 'li mụ pi uo. Okpála na doto atsia ayala uo. Padhá de, anga uo bhú ngu doto ade, maka ma nde lie bhú ngu doto ade ko. ¹⁵ Ma ngayo mụ ade me mụ 'e uo pıla doto ma'e-e de. Engú bini, ma ngayo mụ me lila uo sakpa Siti malila. ¹⁶ A ko okpála na doto de, maka ma nde lie ne kpála na doto ade ko. ¹⁷ Mene me

u dɛ libhomu bubu li kpadji na kɔkɔlɔ 'ngú. 'Li mɛ-o, a ko kɔkɔlɔ 'ngú. ¹⁸ Ma atima uo pɛla doto, maka mo otima ma lie pɛla doto-o. ¹⁹ Ngama makpe-e, ma aha lima hana pi mɛ ngubula me ngauo di-e, u ha lio hana pi mɛ li kpadji na kɔkɔlɔ 'ngú.»

Yesu ayo Ebhe ngú ndɛ okpála hana abhuka ani-o

²⁰ «Ma ngayo bha bini ngubula uo ade. Engú bini, ma di ngayo ngubula okpála bhende abhúka ma ka 'li uo ko. ²¹ Ma ngayo me ndɛ uo hana dɛ bini. 'Dyi ma, a ayo me u dɛ bhú ní, maka mɛ nde lie bhú ma, ma la di bhú mɛ-o. A ayo me u dɛ bini, amba okpála na doto bhuka me mo otima ma ngamɛ.

²² Ma aha sangu inde mo oha e mɛma-a pi uo, amba u dɛ bini maka nganí ne mɛ ní nde lie bini-o. ²³ Ma bhú uo, mɛ la di bhú ma. Abhomɛ-o, u tí da nadɛ bha ndjɛ bini, amba okpála na pɛla doto mbila me mo otima ma ngamɛ, u mbila la di me mo okɔnda uo maka mo okɔnda ma lie ko. ²⁴ 'Dyi ma, mo oha uo mɛma. Ma akɔnda me u dɛ bhú dabili bini ne ma li bili inde ma nde li e, amba u u sangu gba ma ko, sangu inde mo oha e mɛma anga mo okɔnda ma kala nabho doto. ²⁵ 'Dyi ma inde ngbingbili, okpála na pɛla doto mbila mɛ de. Engú bini, ngama-a, ma ambila mɛ. Okpála inde-e ambila la di me mo otima ma ngamɛ. ²⁶ Ma asuno 'li mɛ pi uo. Ma asúno la matá mɛ pi uo masuno, ngubula me mɛkɔnda inde mɛ nde ne e mɛma-a dɛ bhú uo, amba ngama makpe-e, ma dɛ di bhú uo.»

18

*U aholo Yesu
(Tsia bhú Mat. 26:47-56; ne bhú Mlk. 14:43-50;
di ne bhú Luk. 22:47-53.)*

¹ Pita li Yesu andjia nayo Ebhe lie, ani anu ne omukpata gba e ayi mutselemutsele inde 'li e me Sedolo. Edyi bini adu oo. Yesu atsia ali ne omukpata gba e bhúbhú. ² Yuda, bhulu napu Yesu-o adu ambila di bili ango-o ndjindji. Padhá de, anga Yesu ne omukpata gba e adu anu oo piko. ³ Abhomu-o, Yuda anu abhú 'dyi oo bhú dabili bini ne ká osudha, di ne omulila na 'ngbé 'ti Ebhe gba omaYuda, inde li ongbengbe odimandø di ne omuFalisai atima o-o. A adu sa 'kpa osudha-a ne otolosi, ne oeke, di ne otia 'gú. ⁴ La-a, Yesu inde adu ambila ndu 'ngú inde akólo li kute e hana-a, adyudyo lie de uo. Ani atsia ayi uo me: «Yi ngagili da?» ⁵ U agie pi ani me: «Ya ngagili Yesu, kpála na Nadjaleta.» Yesu atsia apa pi uo me: «A ko ma.» Yuda, bhulu napu Yesu-o adu di bhú dabili bini ne uo. ⁶ Li Yesu apa pi uo lie me: «A ko ma-a», u agbe lio ne sidi, u atuko kuto má dhululu!

⁷ Yesu atsia ayi matá uo me: «Yi ngagili da?» U agie me: «Ya ngagili Yesu, kpála na Nadjaleta.» ⁸ Yesu apa pi uo me: «Ma apa igini pi yi apa me, a ko ma. I du la me, yi nde ngagili ma-a, yi de 'o okpála koko-o, amba u gbida naao.» ⁹ Engú bhomu-o amene lie mo-o, ngabula me eli inde nani li Yesu apa e, amene lie, eli inde ani apa nani e me: «'Dyi ma, bhú ká okpála inde mo oha o muma-a, saka uo bini ngita ka ma de.»

¹⁰ Simo Piele adu ne mbotia ludu e. Ani aluko ngise ango-o bhú 'ti e má vuu! Ani asu Malakusi, kpála na kulu gba 'ngbé dimandø gba Ebhe-o . Ani atsia akodho kpadje ani li pápá na kokpa-a má tse! ¹¹ Engú bini, Yesu atsia apa pi Piele me: «Gie mbotia gba mu-o bhú titi. Mo obhundja naamu me likabhu inde li 'Dyi ma aha e muma-a, ma azú-u di?»

U anu ne Yesu kala Ana

¹² Abhomu-o, osudha ne ngámá gba o, di ne omulila na 'ngbé 'ti Ebhe gba omaYuda inde anu naholo Yesu-o, atsia aholo ani. U agbite ani ne ekpu. ¹³ U atsia anu ngaiza ne ani gba Ana. Ana ango-o, a ko nani 'dyi wala Kaifa. Kaifa adu nani bhele kpála gba odimandø bhú kalanga bhomu-o ngae. ¹⁴ Abhomu-o, Kaifa atsia aha nani mabhundja pi ongámási gba omaYuda ngae me, a ndjindji mangbo me koli kpála bini kpi ngubula ndu okpála hana.

Piele apa me ni ne mukpata gba Yesu ade

(Tsia bhú Mat. 26:69-70; ne bhú Mlk. 14:66-68; di ne bhú Luk. 22:55-57.)

¹⁵ Simo Piele, ngauo ne mukpata koko adu akpata Yesu. Bhele kpála gba odimandø-o ambila nani mukpata ango-o ndjindji. Kaka-a, mukpata ango-o ali nani ne Yesu bhú dabili bini bhú mbadhasu gba bhele kpála gba odimandø-o. ¹⁶ Engú bini, Piele atigala nae li 'bhø aga akilidjo. Abhomu-o, mukpata koko inde li bhele kpála gba odimandø-o ambila e ndjindji-e akoto. U agama 'ngú ne ølø inde adu alila 'bhø aga-o. Ani atsia ato Piele. ¹⁷ Ølø inde adu bhú kulu

nalila 'bhø aga-a, apa pi Piele me: «Ngamũ di-e, mũ ndi ne sũka omũkpata gba kpála inde-e adi?» Piele agie pi ani me: «A mo-o ade, ma ne sũka uo ade.» ¹⁸ Okpála na kulu, di ne omũlila na 'ngbé 'ti Ebhe gba omaYuda-a akpo djua na makala. U ago alũũ dede ngú natũũ. Padhá de, anga zini adũ naali. Piele ago alũ di bhũ dabilĩ bini ne uo ngú natũ djua-o.

Bhele kpála gba odimandø ayiyi Yesu

(Tsia bhũ Mat. 26:59-66; ne bhũ Mlk. 14:55-64; di ne bhũ Luk. 22:66-71.)

¹⁹ Abhomũ-o, bhele kpála gba odimandø-o aholo nayiyi Yesu pĩndji 'ngú gba omũkpata gba ani, di ne pĩndji nasuno gba ani-o. ²⁰ Yesu agie pi ani me: «Ma akpokpo 'ngú mbámbá pi ndũ okpála hana. Ma adũ asuno ndũ 'kpĩ hana bhũ otĩ nadjẽ líli gba Moidje , di ne bhũ 'ngbé 'ti Ebhe gba omaYuda li bilĩ li ndũ omaYuda hana adũ apøkøbhø bhũla o li e-o. Ma pa 'ngú bhũ pepe belegũ de bini. ²¹ Mũ ngayi ma ka ni? Yi okpála inde adje ma-a me ma apa pi. Padhá de, anga u mbĩla engú inde ma apa e ndjĩndji.» ²² Li Yesu apa lie mo-o, sũka okpála nalila 'ngbé 'ti Ebhe gba omaYuda-a asũ pála ani má pa! Ani atsia apa pi ani me: «Abhomũ-o eli inde mũ ti da nagie e pi bhele kpála gba odimandø gba Ebhe-e?» ²³ Yesu atsia apa pi ani me: «Engú inde ma apa e, i dũ me a nde sisiti-e, yi de suno sisiti ango-o. Engú bini, i dũ la me ma nde apa ndjĩndji-e, mo otsia asũ la ma ngú ni?» ²⁴ Abhomũ-o, Ana atsia atima Yesu pi Kaifa, bhele kpála gba odimandø-o me u nde agbigbite ani magbigbite.

*Piele apa matá me ni ne mukpata gba Yesu ade
(Tsia bhú Mat. 26:71-75; ne bhú Mlk. 14:69-72;
di ne bhú Luk. 22:58-62.)*

²⁵ Nedhinga ango-o, Simo Piele alu de djua-o. Aní adu atutu. U atsia apa pi aní me: «Ngamu di-e, mu ne suka omukpata gba kpála inde-e adi?» Piele ayala, aní atsia apa me: «A mo-o ade, ma ne suka uo ade.» ²⁶ Suka okpála na kulu gba bhele kpála gba odimandø gba Ebhe-e, inde adu kpála na piga gba kpála li Piele akodho kpadje e, ayi Piele me: «A ko mu di inde ma au nako e ne Yesu abhú 'dyi-e?» ²⁷ Engú bini, Piele atsia ayala matá. Bha bini li nedhinga ango-o, engu atsia aku 'gbá.

*U anu ne Yesu kala Pilatø
(Tsia bhú Mat. 27:1-2, 11-14; ne bhú Mlk. 15:1-5; di ne bhú Luk. 23:1-5.)*

²⁸ Abhomu-o, omaYuda ayie ne Yesu agba Kaifa, u atsia anu ne aní agba ngámá na Loma , inde adu atsia 'kpí li ndu doto-o. A adu køkpi má bhø! Engú bini, omaYuda li naao abhú 'ti oo de. Padhá de, anga u adu akunda nadu bubu kala Ebhe, amba o zu anokomia na Pasika-o . ²⁹ Kaka-a, Pilatø ngámá na ndu doto ango-o ago abhaka uo akilidjo. Aní atsia ayi uo me: «Yi agbe kpála inde-e kala ma me aní nde amene mangua siti 'ngú dho?» ³⁰ U agie pi aní me: «Li kpála inde-e du ne siti kpála de-e, ya de go ne aní pi mu de.» ³¹ Abhomu-o, Pilatø atsia apa pi uo me: «Yi ha aní ngayi makpe, amba yi kodho 'ngú gba ani-e maka li líli gba yi-e apa lie ko.» OmaYuda agie

pi ani me: «U ha kpadji pi ya ngú nabhøle kpála de.»

³² Engú bhomu-o amene lie mo-o ngú nakpata engú inde li Yesu apa nani e-o. Engú inde ani apa nani e ngú nasuno lele maka ani akpí lie ko. ³³ Abhomu-o, Pilatø agie matá lie abhú 'ti. Ani a'i Yesu, ani atsia ayi ani me: «Mu ne 'ngbé ngámá gba omaYuda?» ³⁴ Yesu agie pi ani me: «Engú inde mo opa e bhomu-o, mo obhundja bha ngamu makpe? Ne me okpála koko apa 'ngú gba ma-a pi mu ngao!» ³⁵ Pilatø agie pi ani me: «Ngama-a, ma ne maYuda? Okpála na kuti gba mu di ne ongbengbe odimandø gba Ebhe-e apu mu mu. Mo omene la mangua 'ngú dho?»

³⁶ Yesu agie pi ani me: «Nau gba ma-a, a ko bhende na doto inde-e de. I dú bhende na doto inde-e, okpála gba ma-a de agu 'gú, ngubula me u apú ma pi omaYuda de. Engú bini, nau gba ma-a, a ko bhende na doto inde-e de.» ³⁷ Pilatø atsia apa pi ani me: «A akunda napa me, mu ne 'ngbé ngámá?» Yesu agie pi ani me: «Mo opa ngamu me ma ne 'ngbé ngámá. U azu ma, ma atsia ago píla doto ngú nakpokpo 'ngú pindji kukulu 'ngú. Kpála inde bhú kukulu 'ngú-o ngadje engú inde ma ngapa e-o.» ³⁸ Pilatø ayi ani me: «Kukulu 'ngú-o, a ko ni?»

Pita li Pilatø apa 'ngú bhomu-o lie, ani akoto, ani anu matá nabhaka omaYuda akilidjo. Ani atsia apa pi uo me: «Ma u engú inde u ti da nabhøle kpála inde-e ka e belegu de bini. ³⁹ Engú bini, maka u amemene lie agba yi-e, bhú anokomia na Pasika-a, a ayo me ma tse 'kpa li

bhulú 'kpú pí yi bini. Yi akúnda me ma tse 'kpa lí 'ngbé ngámá gba omaYuda-a pí yi?» ⁴⁰ Abhomu-o, u aholo asusula me: «Í-i! Ngaani de. Engú bini, tse mangbo pí ya 'kpa lí Balabasi!» La-a, Balabasi nani ne 'ngbé bhulú 'zi.

19

¹ Abhomu-o, Pilatø atsia apa me u go ne Yesu, amba u bhí ani ne fimbo. ² Osudha agala ehe na eti má kilili, u ato bhú 'ndji ani! U atsia ato di bongo na zúmbe zúmbe lí kute ani. ³ U adu ago de ani. U atsia adu apa pí ani me: «'Ngbé ngámá gba omaYuda-a, atou!» U adu di nabhi bhúla ani.

⁴ Abhomu-o, Pilatø akoto matá kilidjo. Ani atsia apa pí uo me: «Yi djedje nga! Ma agbé ani pí yi kilidjo ei, amba yi mbila ndjindji me ma u belegu ehe bini de inde ma ti da naholo ani ngú e.» ⁵ Abhomu-o, Yesu atsia akoto kilidjo me u nde ato ehe na eti-e bhú 'ndji ani, ani nde di ne bongo na zúmbe zúmbe lí kute e. Abhomu-o, Pilatø atsia apa pí uo me: «Kpála ango-o i!»

⁶ Engú bini, lí ongbengbe odimandø gba Ebhe , di ne omulila na 'ngbé 'ti Ebhe au ani lie me-e, u aholo nasusula me: «Gi ani lí kulusi! Gi ani lí kulusi!» Pilatø apa pí uo me: «Yi nu gi ani lí kulusi ngayi makpe. Padhá de, anga ngama-a, ma u belegu ehe bini de inde ma ti da naholo ani ngú e.» ⁷ OmaYuda agie pí ani me: «A ka ya ne líli. A ayo me ani kpi maka lí líli ango-o apa lie-o. Padhá de, anga ani apa me ni ne ndili gba Ebhe.»

⁸ Li Pilatø adje engú bhomɔ-o lie, ani adje matá tsulɔ naali. ⁹ Aní agie lie abhú 'ti. Aní atsia ayi Yesu me: «Mo oyie su?» Engú bini, Yesu gie 'ngú de. ¹⁰ Abhomɔ-o, Pilatø atsia apa pi ani me: «Mɔ kunda nagama 'ngú mɔma dí? Mɔ mbila de me ma ne angu natse 'kpa li mɔ. Ma la di ne angu nagi mɔ li kulusi-e dí?» ¹¹ Yesu atsia apa pi ani me: «Mɔ ne angu pi ma belegu ade bini. Í dú me Ebhe há angu pi mɔ de-e, mɔ de ti da namene 'he bini ngú ma de. Kaka-a, kpála inde apɔ ma pi mɔ-o, amene siti 'ngú naali ane mɔ.» ¹² Nayie li nedhinga bhomɔ-o, Pilatø adu agili kpadji me ni tse 'kpa li Yesu. Engú bini, omaYuda aholo asusula me: «Í du me mɔ nde atse 'kpa li kpála bhomɔ-o, amba mɔ kunda 'ngbé ngámá Kaisala de! Ndɔ kpála hana inde apa me ni ne 'ngbé ngámá-a, a ko bhulɔ yala gba 'ngbé ngámá Kaisala!»

¹³ Li Pilatø adje eli bhomɔ-o lie, ani agbe Yesu kilidjo. Pilatø atsia adu pi dabili nakodho 'ngú-o, li bili inde u a'i e me «Ú apa oteme kuto» (inde u a'i e bhú eli na ebele me «Gabata»). ¹⁴ A adu nani masikpe de tulukpe, kala ekpi na Pasika. Pilatø apa pi omaYuda me: «'Ngbé ngámá gba yi-e i!» ¹⁵ Engú bini, u aholo nasusula me: «Bhøø ani! Bhøø ani! Gi ani li kulusi!» Pilatø apa pi uo me: «A ayo me ma gi 'ngbé ngámá gba yi-e li kulusi?» Ongbengbe odimandø gba Ebhe-e agie pi ani me: «'Ngbé ngámá koko ka ya ade. A ko bha bini 'ngbé ngámá Kaisala.» ¹⁶ Abhomɔ-o, Pilatø atsia atse 'kpa li Yesu ngubula me u gi ani li kulusi.

U agi Yesu li kulusi

(Tsia bhú Mat. 27:32-44; ne bhú Mlk. 15:21-32; di ne bhú Luk. 23:26-43.)

U aha Yesu, u atsia atapa ne ani. ¹⁷ Yesu abi kulusi gba e ngae makpe. Ani atsia akoto nayie bhú gũdhũ akolo li bili na «Pelege 'ndji» (u a'i e bhú eli na ebele me «Gologota»). ¹⁸ A bhomũ-o bili inde li osũdha agi Yesu li e li kulusi-o. U atsia agi di okpála koko bhisi li kulusi. Yesu adũ tutũ, koko li kulusi gba e li pá 'kpa ani na kokpa, koko li kulusi gba e li pá 'kpa ani na gali. ¹⁹ Pilatø atsia aha di líli me, u ye balũa, amba u bhi li kulusi gba Yesu-o. Balũa ango-o adũ me: «YESU, KPÁLA NA NADJALETA, 'NGBÉ NGÁMÁ GBA OMAYUDA.»

²⁰ Abhomũ-o, omaYuda bhelé atanga balũa ango-o. Padhá de, anga bili inde u agi nani Yesu li kulusi li e, a adũ de gũdhũ masikpe. La di-e, balũa ango-o adũ bhú eli na ebele, a adũ bhú eli na latino, a atsia adũ di bhú eli na giliki. ²¹ Abhomũ-o, ongbengbe odimandø gba omaYuda atsia apa pi Pilatø me: «Mo oyé de me, <'ngbé ngámá gba omaYuda-a> de. Engú bini, ye mangbo me, <Kpála bhomũ-o apa me, ma ne 'ngbé ngámá gba omaYuda.>» ²² Pilatø agie pi uo me: «Bhende ma aye e, adjí lie de.»

²³ Li osũdha agi Yesu li kulusi lie, u abha obongo gba ani-o. U agbo bhũsũ bhũsũ badha. Sũdha bini ne bini aha naae bini. U atsia aha di bongo gba ani inde u dũ e madũ de-o. Pápála adũ bha bini nayie abhũlá akolo akuto. ²⁴ Osũdha-a apa sũnda o me: «Ní asídha bongo inde-e de. Engú bini, ní gũ mangbo gbanda tété, amba ní

mbila me a adú na da.» U amene mo-o ngubula me eli inde u aye e bhú Bhuku-o, amene lie, eli inde me:

«U agbogbo bhũsũ o li obongo gba ma-o.

U atsia agũ gbanda li bongo gba ma ko.†»

A bhomũ-o engú inde li osũdha amene e-o.

²⁵ Malia , 'hi Yesu, ne ndai e na øløø, ne Malia , wala Kolopasi, di ne Malia , kpála na kuti na Magadala, alulũ de kulusi gba Yesu-o. ²⁶ Yesu au 'hi e ne mũkpata inde li anĩ adũ akũnda e naali-o. Mũkpata angoo adũ me anĩ nde alũ de 'hi anĩ oo. Anĩ atsia apa pi 'hi e me: «Ølø-e,* tsia ndili gba mũ-o i.» ²⁷ Pipita-a, anĩ atsia apa pi mũkpata-a me: «Tsia 'hi mũ i.» Nayie li nedhinga bhomũ-o, mũkpata-a atsia aha 'hi Yesu agba e.

Yesu akpi

(Tsia bhú Mat. 27:45-56; ne bhú Mlk. 15:33-41; di ne bhú Luk. 23:44-49.)

²⁸ Pita ongú bhomũ-o, Yesu ambila me, mbia inde-e, ndũ 'ngú hana andjia. Abhomũ-o, ngubula me 'li Bhuku-o amene lie akolo ali soso-o, anĩ atsia apa me: «A li ma ne gũmũ 'ngu.»

²⁹ Lũsa bini adũ oo. A adũ bhúbhú ne kpongadha pandi bedhe. Osũdha aha epondje, u ato bhú kpongadha pandi-o. U agbite li ndula inde u a'i e me idjope.† U atsia adyudyo de 'bhø Yesu

† **19:24** 19:24 Tsia bhú Ets. 22:19. * **19:26** 19:26 Li kulusi-e, Yesu agama 'ngú pi 'hi e maka Ebhe. Kaka-a, anĩ a'i anĩ me: «Ølø-e.» † **19:29** 19:29 Idjope: A ko sũka ondula na gba omaYuda. Epondje nani u ato e bhú kpongadha pandi inde u aha nani e pi Yesu me anĩ ndji-e, nedhinga anĩ adũ lie li kulusi-e, u agbite nani li Idjope.

masikpe. ³⁰ Li Yesu andji kpongadha pandi-e lie, ani atsia apa me: «Ndu 'ngú hana andjia!» Abhomu-o, ani atu 'ndji e ne kuto, ani atsia andala 'kpa li bua e.

Sudha bini adu pá kala Yesu ne mandambi

³¹ A adu nani ekpí inde u adu aleke lio lie ngú ekpí nago-o . Ongámási gba omaYuda du akunda de me okuo okpála du li okulusi li 'kpí nago-o de. Padhá de, anga ekpí nago ango-o, adu ngebéngbé ane okoko mane. Kaka-a, u atsia ayo ka Pilatø me u gugumu 'dhu okpála inde u agi o li okulusi-o, amba u 'e okuo uo tété ma'e. ³² Abhomu-o, osudha ago de okpála inde u agi o li okulusi bhú dabili bini ne Yesu-o. U agugumu 'dhu kpála bhe na kalanu-o. Pipita-a, u agugumu 'dhu kpála bhe koko-o. ³³ U akolo lie li Yesu-o, u abhaka me ani nde akpi. Kaka-a, u gugumu 'dhu ani de.

³⁴ Engú bini, sudha bini adu pá kala ani ne mandambi má pæu! Kolo me-e, ngute di ne engu aze bhú eka ango-o. ³⁵ Kpála inde ngakpokpo ongu inde-e, au ongu ango-o ne djila e. La di-e, ongu inde ani ngakpokpo e, a ko kukulu 'ngú. Ngaani-e, ani mbila ndjindji me ni ngakpo e kukulu 'ngú. Ani ngakpokpo ngubula me ngayi di-e, yi bhuka. ³⁶ Ongú bhomu-o akolo ngubula me engú inde u aye e bhú Bhuku-o, amene lie, engú inde u aye e me: «U gumu suka biki ani belegu de bini.†» ³⁷ La di-e, u aye bhú Bhuku li

† 19:36 19:36 Tsia bhú Eki. 12:46; ne bhú Nom. 9:12; di ne bhú Ets. 34:21.

bili koko me: «U atsia kpála inde u adu e-o.†»

U azi Yesu

(Tsia bhú Mat. 27:57-61; ne bhú Mlk. 15:42-47; di ne bhú Luk. 23:50-56.)

³⁸ Pita ongú akodho 'kpí-e, Djodjefu , kpála na gudhu na Alimatayo, ayo ka Pilatø me ani ha kpadji pi ni ngú na'e kuo Yesu. (Djodjefu nani ne suka omukpata gba Yesu-o. Engú bini, ani du asuno lie mbámhá de, anga ani adu akpe ongámási gba omaYuda-o.) Pilatø aziba pi ani. Abhomu-o, Djodjefu anu, ani atsia a'e kuo Yesu.

³⁹ Nikodemu, inde anu nani nabhaka Yesu 'kpí bini sukpe-e, ago di. Ani ago ne mungotsi inde u amene e li mila bhú dabili bini ne aloesi.‡ Mungotsi ango-o, adu masikpe de kilo ndjikpa bata. ⁴⁰ Abhomu-o, ndu uo bhisi hana aha kuo Yesu. U agagala ne opapala bongo na lene me u nde atuko mungotsi tété, maka li omaYuda adu amemene lie bhú nedhinga nazi kuo-o. ⁴¹ Li bili nani u agi Yesu li e li kulusi-e, edyi bini adu oo. Bhú 'dyi ango-o, edú bini na mbia adu oo. Edú ango-o, u zi nga nani kpála bini bhúbhú de. ⁴² U atsia ato Yesu bhúbhú. Padhá de, anga u adu agbene lio ka li ekpí nago gba omaYuda adu lie masikpe-o. La di-e, edú ango-o adu oo masikpe.

20

Yesu azuku

(Tsia bhú Mat. 28:1-8; ne bhú Mlk. 16:1-8; di

† 19:37 19:37 Tsia bhú Djkl. 12:10. ‡ 19:39 19:39 Aloesi: A ko mungotsi inde li se e nde má wese. A ko la di elá, u memene li ndende ndula.

ne bhú Luk. 24:1-12.)

¹ Abhomu-o, bhú 'kpí yinga kèkpí má bhé-o, Malia , kpála na gudhu na Magadala, anu abhú lata. A adu me ekpí nde nga bha ne biti. Aní au me teme inde adu li 'bhø lata-a nde ayie li bhøbhø ayie. ² Abhomu-o, aní anu ne holo, aní anu abhaka Simo Piele, di ne mukpata koko inde li Yesu adu akunda e naali-o. Aní atsia apa pi uo me: «U agbe kuo Ngámá bhú lata-a agbe. La-a, ya mbila de me u a'o aní su-oie de.»

³ Abhomu-o, Piele ne uo ne mukpata koko-o aholo 'nú, u atsia agbida abhú lata. ⁴ Ndu uo bhisi hana agu holo. Engú bini, mukpata bhe koko agu naae holo kpekpeke ane Piele mane. Kaka-a, aní atsia akolo abhú lata kalanu. ⁵ Aní akita ne kuto ngú natsia 'kpí bhúbhú. Aní au opapala bongo na lene me a nde a'o lie oo. La-a, aní li de. ⁶ Abhomu-o, Simo Piele inde adu akpata aní sidi-e, akolo di. Aní atsia alí abhú lata. Aní au opapala bongo na lene me a nde a'o lie oo, ⁷ la dí ne bongo bhende adu me a nde abuku bhúla Yesu-o. Bongo ango-o du bhú dabili bini ne opapala bongo na lene de. Engú bini, a adu me a nde agagala naae lie kpi li bili koko. ⁸ Abhomu-o, mukpata koko inde akolo abhú lata kalanu-o, atsia alí di. Aní au, aní atsia abhuka. ⁹ Padhá de, anga nakolo li nedhinga bhomu-o, omukpata mbila nga nani ndjindji de, engú inde u aye e bhú Bhuku gba Ebhe-e me Masiya azúku bhú ká okpála inde amu-o mazuku. ¹⁰ Pita 'ngú bhomu-o, omukpata bhisi-e atsia agie lio agba o.

*Yesu akoto li Malia, kpála na kúti na Magadala
(Tsia bhú Mat. 28:9-10; di ne bhú Mlk. 16:9-11.)*

¹¹ Malia adu me ani nde alu akilidjo de lata-o. Ani adu naku 'gbá. Nedhinga inde ani adu nga bha lie naku 'gbá-a, ani akita ne kuto ngubula natsia 'kpí abhú lata. ¹² Ani au oandjelu bhisí. U adyidyí obubu bongo. U adulu li bili inde u a'o nako kuo Yesu li e ko. Bini adu li pápá na 'ndji ani, koko atsia adu li pápá na 'dhu ani. ¹³ Oandjelu-o ayi Malia me: «Ølø-e, mu ngaku 'gba ngú ni?» Ani agie pi uo me: «U a'e kuo Ngámá gba ma-a a'e. Ma mbila de me u a'o suoie de.»

¹⁴ Pita ani apa 'ngú bhomu-o lie, ani adjí lie, ani atsia au Yesu me ani nde alu oo. Engú bini, ani du ambila de me a ko Yesu-o de. ¹⁵ Yesu ayi ani me: «Ølø-e, mu ngaku 'gbá ngú ni? Mu ngagili da?» Malia abhundja me a ko kpála inde ngamene kulu bhú 'dyi-o. Kaka-a, ani apa pi ani me: «'Dyi ma, i du me mu nde a'e kuo Ngámá gba ma-a ngamu-o, suno bili mo o'o li e mu ma, amba ma nu ha.» ¹⁶ Yesu apa pi ani me: «Malia!» Malia adjí lie, ani atsia apa pi ani bhú eli na ebele me: «Laboni!» (A akunda napa me «Musuno.») ¹⁷ Yesu apa pi ani me: «Mo obú 'kpa mu li ma de. Padhá de, anga ma nu nga agba 'Dyi ma abhúlá de. Engú bini, nu bhaka ondaise ma, amba mu pa pi uo me: «Ma adjí abhúlá agba 'Dyi ma. A ko la di 'Dyi yi. Ma adjí abhúlá agba Ebhe gba ma-o. A ko la di Ebhe gba yi-o.»» ¹⁸ Abhomu-o, Malia, kpála na kúti na Magadala, atsia anu akpokpo

pi omukpata me: «Ma au Ngámá au!» Aní atsia akpokpo 'ngú inde lí Yesu apa e pi aní-e, pi uo.

Yesu akoto lí omukpata gba e-o

(Tsia bhú Mat. 28:16-20; ne bhú Mlk. 16:14-18; di ne bhú Luk. 24:36-49.)

¹⁹ Bha bhú 'kpí yinga bhomu-o tagolo-o, omukpata-a apo bhúla o bhú 'ti bini. U atsia adhodho obhe bhoti nganda o madhodho. Padhá de, anga u adu akpe ongámási gba omaYuda-o . Yesu ago alu tu uo. Aní atsia apa pi uo me: «Guo 'ngú du bhú dabili bini ne yi!» ²⁰ Pita aní apa 'ngú bhomu-o lie, aní asuno 'kpa e, di ne pála kala e pi uo. Lí omukpata au Ngámá lie, u abedhe ne djali bedhe. ²¹ Yesu atsia apa matá pi uo me: «Guo 'ngú du bhú dabili bini ne yi! Maka lí 'Dyi ma atima ma lie, ngama di-e, ma atima yi.» ²² Pita aní apa lie mo-o, aní a'ulu wo e pí uo, aní atsia apa pi uo me: «Yi sia Bu Bhobua ! ²³ Okpála bhende yi ambú lí siti 'ngú gba o-o, lí Ebhe mbú di lí siti 'ngú gba uo-o. Okpála bhende yi mbú lí siti 'ngú gba o de-e, Ebhe mbú di tété de.»

Yesu akoto lí omukpata gba e pita Tuma

²⁴ Nedhinga lí Yesu akoto lí omukpata gba e lie abhú 'ti-e, suka omukpata ndjikpa ne ká bhisi-e Tuma (inde u a'i di-e me Bhuko-o) du bhú dabili bini ne uo de. ²⁵ Abhomu-o, omukpata koko atsia apa pi aní me: «Ya au Ngámá.» Engú bini, aní atsia agie pi uo me: «Ma akunda nau oeka na osete inde lí okpa aní-o. Ma akunda na'o líkpa ma lí pokoli na osete ango-o. Ma akunda la di na'o 'kpa ma lí pála kala aní. I du mo-o de-e, ma

bhúka de.» ²⁶ Pita 'kpí madjina, omukpata gba Yesu apo matá bhúla o abhú 'ti. Tuma adu bhú dabilí bini ne uo. Obhø bhoti-e adu me a nde adhodho lie madhodho. Engú bini, Yesu ago, aní alu tu uo. Aní atsia apa pí uo me: «Guo 'ngú du bhú dabilí bini ne yi!» ²⁷ Pipita-a, aní apa pí Tuma me: «'O likpa mu si, amba mu tsia 'kpa ma. Go ne 'kpa mu, amba mu 'o lí pála kala ma. Mo odú ne bua na bhisi bhisi de. Du mangbo ne nabhuka .» ²⁸ Tuma agie pí aní me: «Ngámá gba ma, di ne Ebhe gba ma!» ²⁹ Yesu apa pí aní me: «Mo obhuka ka mo ou ma lie? A ko djali pí okpála inde ngabhuka me u nde u ne djila o de ko.»

A inde-e ta bhuku inde

³⁰ Yesu amene matá ongamba 'ngú koko bhelé lí djila omukpata gba e-o. La-a, u ye bhú bhuku inde-e de. ³¹ Engú bini, ongú inde aye lie bhúbhú-o, a ko ngubula me yi bhuka me Yesu ne Masiya, Ndili gba Ebhe, amba i du la me yi nde abhuka aní-e, yi de sia mukobho ka 'lí aní.

21

Yesu akoto lí omukpata gba e lingo ekpø na Tibeliade

¹ Ekpí koko pipita-a, Yesu akoto matá lí omukpata gba e lingo ekpø na Tibeliade. Lele maka aní akoto lí uo lie, ngae inde: ² a adu nani Simo Piele, ne Tuma, (inde u a'i e me Bhuko), ne Natanaele, (kpála na kuti na Kana, bhú ndu doto na Galilaya), ne ongisi gba Djebedayo, di ne omukpata koko bhisi gba Yesu-o. U adu bhú

dabili bini. ³ Simo Piele apa pi uo me: «Ma adji nagbe sungu.» U agie pi ani me: «Ngaya di-e, ní anú ne yi bhú dabili bini.» Abhomu-o, u anu, u atsia a'uu'uu bhú zabu. Engú bini, sukpe bhomu-o, u gbe sungu belegu de bini.

⁴ Li ekpí aholo naseke lie, Yesu alu lingo 'ngu oo. Engú bini, omukpata-a du ambila de me a ko ani-e de. ⁵ Abhomu-o, Yesu atsia apa pi uo me: «Odi ma, yi aholo mbo sungu uu?» U agie pi ani me: «Ya holo de.» ⁶ Ani apa pi uo me: «Yi bhike nado lingo zabu-o ne li pápá na kokpa, amba yi holo sungu.» Abhomu-o, u atsia abhike nado-o bhú 'ngu. U ale nagbele nado ango-o bhú 'ngu pima. Padhá de, anga osungu adu bhúbhú bhibhiti naali. ⁷ Abhomu-o, mukpata inde li Yesu adu akunda e naali-e apa pi Piele me: «A ko Ngámá!»

Li Simo Piele adje lie me a ko Ngámá-a, ani adyi bongo . Padhá de, anga abhaka me ani nde agbe bongo-o magbe ngú nagbe sungu-o. Ani atsia agu 'i e bhú 'ngu. ⁸ Omukpata koko agie lio ne zabu-o me u nde ngagbele nado-o. Nado ango-o adu me a nde abedhe ne osungu bedhe. U du nani dengo 'ge-o tsutsu de. U adu masakpe de metele kámá bini.

⁹ Nedhinga u aze lie apí 'ge-o, u au djua ne sungu pépé, di ne mapa. ¹⁰ Yesu apa pi uo me: «Yi go ne té osungu inde yi aholo e-o.» ¹¹ Abhomu-o, Simo Piele a'uu matá bhú zabu-o. Ani agbele nado apigo. Nado ango-o adu me a nde abedhe ne ongbengbe osungu kámá bini ndjikpa bhuluvue ne ká bata. Abana li osungu

adu lie bhúbhú bhelé-e, nado ango-o tsotsolo de. ¹² Yesu apa pi uo me: «Yi go zu 'he.» Kpála bini bhú ká omukpata-a le nayi ani de me: «Mɔ ne da?» Padhá de, anga u adu ambila hana me, a ko Ngámá. ¹³ Abhomu-o, Yesu adyudyo lie masikpe. Ani aha mapa, ani atsia agapa li uo. Ani atsia aha di sungu-o pi uo. ¹⁴ A adu nani bhomu-o bhutsibhutsi na bata me Yesu koto li omukpata gba e, pita ani azuku lie bhú ká okpála bhende amu ko.

Yesu ayi Piele bhutsibhutsi bata me ani kunda ni uu ie

¹⁵ Pita u azu 'he-e lie, Yesu ayi Simo Piele me: «Simo, ndili gba Djaa , mu kunda ma nane maka li okpála koko inde-e akunda ma lie mane?» Piele agie pi ani me: «Heni, Ngámá, mu mbila hana me ma kunda mu.» Yesu apa pi ani me: «Ku ongisi kandole gba ma-o.» ¹⁶ Yesu ayi matá ani bhutsibhutsi na bhisi-e me: «Simo, ndili gba Djaa, mu kunda ma uu?» Piele agie pi ani me: «Heni, Ngámá, mu mbila hana me ma kunda mu.» Yesu apa pi ani me: «Lila okandole gba ma-o.» ¹⁷ Yesu ayi matá ani bhutsibhutsi na bata-a me: «Simo, ndili gba Djaa, mu kunda ma uu?» Piele asia likabhu li bua e. Padhá de, anga Yesu ayi ani bhutsibhutsi na bata me: «Mu kunda ma uu?» Ani atsia apa pi Yesu me: «Ngámá, mu mbila ndu 'ngú hana. Mu mbila bhadi hana me ma kunda mu!» Yesu apa pi ani me: «Ku okandole gba ma-o.

¹⁸ A moko, ma apa pi mu na paká me, nedhinga nani mo odu lie makombi-e, mo odu agbite ekrú

gba mụ-o ludu mụ ngamụ makpe. Mo odu la di anụ li bili inde mo odu akunda nanụ li e-o. Engú bini, nedhinga mo okólo lie 'gbé kpála-a, mo o'é'e 'kpa mụ abhúlá, li kpála koko tsia gbíte 'kpú gba mụ-o ludu mụ ngae. Aní tsia nú di ne mụ li bili inde mụ kunda nanụ li e de.» ¹⁹ Yesu adu apa mo-o ngabula nasuno lele maka li Piele akpí lie, aní tsia há la di sangu pí Ebhe ko. Pipita-a, Yesu apa pí aní me: «Kpata ma!»

Piele ayi 'ngú pindji mukpata inde li Yesu adu akunda e naali-o

²⁰ Li Piele adji lie lie, aní au mukpata li Yesu adu akunda e-o, (kpála inde aseke nani 'ndji e pí mbulu Yesu, nedhinga inde u adu azu 'he lie-o, inde atsia ayi di nani Yesu me: «Ngámá, kpála bhende apú mụ-o, a ko da?») ²¹ Abhomụ-o, Piele au mukpata ang-o, aní atsia ayi Yesu me: «Ngámá, a la aní-e, a akólo li aní ne mangua 'ngú dho?»

²² Yesu agie pí aní me: «Í du me ma nde akunda me aní du, akolo li nedhinga inde ma agó matá lie, a ko naamụ 'ngú? Ngamụ-o, kpata ma!» ²³ Abhomụ-o, ngali atsia ayangba bhú ká omabhuka me, mukpata ang-o kpí naae de. La-a, Yesu pa nani pí Piele de me: «Aní kpí de-e de.» Engú bini, aní apa nani mangbo me: «Í du me ma nde akunda me aní du akólo li nedhinga inde ma agó matá lie, a ko naamụ 'ngú?» ²⁴ Mukpata ang-o ngakpokpo ongu inde-e ngae makpe. Aní aye la di bhú bhuku ngae. Ya mbila la di ndjindji me engú inde aní ngakpokpo e, a ko kukulú 'ngú. ²⁵ Yesu amene di nani ongu koko bhelé. Í dú me u

yé onǵú ango-o bini ne bini hana-a, ma abhundja
me doto libhomu de tí ne obhuku inde i de yé lie
de.

Gandja na Mbia
Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

6b4904fb-f8ce-5931-8218-7cee8914232c